

सानसेयारि "बड'सा" खौरांलाइयाव समाजयारि जिउजो लोखा थावाय रायथाय, खन्थाय, सल', सल'बाथा आरु देवबायारि थावनि, पार्क बाइदिनि सायाव लिन्नाय लिन्दिबां देथाय हर/सानसेयारि "बड'सा" खौरांलाइया खेबखानावे फोसावगोब।

बड'सायाव लिन्नाययि हुबा खालाम्, "बड'सा" खौर नोथां, जो बयबो आंगो खालाम्।

सानसेयारि बड'सा मावखलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Wednesday ★ 28 October, 2020 Kokrajhar, BTC, Assam ★ Vol.- 30, Issue No. 211 ★ R.N.I.Regd. No.- 40994/91, Assam Govt. Regd. No.- IPRD.40/2006/13, ★ Rs.8/-

35 नं मुदैबारि बियाबयाव राइजो-राजाफोरा गेनाखास्थि नुजाथिनायनि अजद खालामदों

राइज्योनि फरायसालिफोरआव फोरोंथाय होनायखौ लाबोफिनो सोलोंथाय आरो देहा बिफाननि बिबानगिरिफोरजों गिबि मन्थिआ गोनांथारै जथुमदों

दिसपुर, 27 अक्ट'बर: कभिड-19 महामारिनि गिथावनायै साग्लोबसारनायनि थाखाय थानाय 7 दाननिबो बांसिन सम नाडे' बन्द' जानानै थानाय राइज्योनि सोलोंथाय फसंथानफोरखौ फिन खुलिफिनायनि सोमोन्देयाव सावरायफिनो थाखाय दिने गिबि मन्थि सर्बानन्द सनवालआ सोलोंथाय, देहा बायदि बिफाननि गोजौ थाखोनि बिबानगिरिफोरजों मोनसे गोनांथार मेल जथुमनाय जायो। बे जथुमनाय मेलआव गोजौ सोलोंथाय बिफाननि चिफ सेक्रेटारि बि कल्यान चक्रवर्तीया मोनसे प्रेजेन्टेसन दिन्थिफुनायनि गेजेरजों फरायसालिफोरनि फोरोंथाय होनायखौ जागायजेनो थाखाय सोलोंथाय बिफानआ थियारि खालामनाय मोनसे स्टेन्डाई अपारेटि प्रसिउडरनि सायावबो (□ 5 बिलाइआव)



कलाइगाव, 27 अक्ट'बर: 35 नं मुदैबारि बियाबनि सिङ्गव ओन्सोलनि राइजो-राजाफोरा गेनाखास्थि सोलिनायनि गोखों अजद खालामदों। राइजो-राजाफोरा अजद खालामनाय बायदिब्ला बे बियाबयाव जागानाय होनाय मोनसेबो महर गैया। सुबुं (□ 5 बिलाइआव)

एबसुनि बान्जायनायाव बि टि आर गोरोबथा, बि के डब्लिउ ए सि आरो फरेस्ट डुयेलास एक्ट, 2006 नि सायाव नगाव जिल्लानि मेलेमजिबिफोरखौ लानानै सावराय मेल



नगाव, 27 अक्ट'बर: नगाव जिल्ला दुलायार बर' मासि सामलानायनै दैदेनायाव दिने 27 अक्ट'बर फरायसा आफादिनि आफादिगिरि अमृत खारखारिनि मंगलबारखालि (□ 5 बिलाइआव)

मिरु नख'र बिफानआ आनलक-5 नि गोदान गाइडलाइन फोसावबाय

कन्टेनमेन जनफोराव लकडाउनआ 30 नभेम्बरसिम सोलिगोन

गोदान दिल्ली, 27 अक्ट'बर: गिखंथाव करना भाइरासआ दासिम हादतयाव जोबसाइखों नोजोर लाखिनानै मिरु नख'र बिफानआ आनलक-5 नि गोदान गाइडलाइन फोसावबाय। दिने फोसावनाय करना गाइडलाइन बादिथै थानाय 30 सेप्टेम्बराव सरकारा जाय बिथोन एबा गाइडलाइन होनाय जादोंमोन बेयो फेगौ 30 नभेम्बरसिम सोलिबाय थासिमोन। नख'र बिफानआ मिथिहोनाय बादिब्ला हादतनि गेजेराव दाबसे राइज्योनिफ्राय गुबुन (□ 5 बिलाइआव)

चिरां जिल्ला गुदि सोलोंथाय बिबानगिरि मावख 'याव पुजानि बन्द' आनो जोबाखै

चिरां, 27 अक्ट'बर: बिमा दुर्गा देबोनि पुजा फोबोंआ जोबलांबाय नाथाय चिरां जिल्ला गुदि सोलोंथाय बिबानगिरि मावख 'याव मंगलबारखालिबो थाला बन्द' जानायखौ नुनो मोन्दों। रावबो सासेबो बिबानगिरि, कर्मसारिफोरा दिनेनि सानाव मावख 'याव सफेयाखै। अदेबानि गुदि सोलोंथाय बिबानगिरि मावख 'याव पुजानि बन्द' आनो जोबाखै।

मख'नो गोनांदि, थानाय 23 अक्ट'बरनिफ्राय 26 अक्ट'सिम दुर्गा पुजानि बन्द' खौ (□ 5 बिलाइआव)

गोसोखां नलित बर' सोंगाब बादायलायनायनि देरहागिरिफोरनि मुंखौ फोसावबाय



कक्राझार, 27 अक्ट'बर: बर' हारिनि सासे लाइमोन लिन्गिरि, समाज आरो हारि सिबियारि रंसारि नलित बर' नि फासै गोसोखां महरै बिथांखौ मान बाउनानै थुनलाइयारि हान्जा खन्थाइ बिबारआ थानाय 25 अक्ट'बर, 2020 अक्ट'खालि अनलाइननि गेजेरजों मोखां बिजाबआव मोनसे गोसोखां नलित बर' अनलाइन सोगाब बादायलायनाय हाबाफारि (□ 5 बिलाइआव)

राइज्यो सरकारनि जरखा बान्जायनायाव दिनेनिफ्राय 2 नभेम्बरसिम सांग्रांथि सप्ताह हाबाफारिया जागायजेनबाय

दिसपुर, 27 अक्ट'बर: हादतनि रांखास्थि-सामाजिक जागानायनि बिथिङ्गव मोनसे गोनां बिथांखि लानानै गेनाखास्थिनि हेंथायै गोखों राहा लानो थांखिजों आरो सुबुंफोरखौ सांग्रांथि होनायनि थांखिजों राइज्यो सरकारनि जरखा बान्जायनायाव दिनेनिफ्राय फेगौ 2 नभेम्बरसिम सांग्रांथि सप्ताह फालिनायनि हाबाफारिया जागायजेनबाय। बे थांखिजों दिने साननि 11 रिगायाव जनता भवननि ए-ब्लाकनि लांगोनायाव समायखिरा लानानै फरायथिनाय मोनसे हाबाफारि खुनाय जायो। (□ 5 बिलाइआव)

बागसायाव बिटिसि बिसायख 'थिनि फोसावदिनाया गोखोडे-सोलिगासिनो

बागसा, 27 अक्ट'बर: फेगौ माखासे साननि गेजेरावने खुंजागोन बिटिसि बिसायख 'थि। राइज्योयारि बिसायख 'थि आयगआ दासिम बिसायख 'थिनि अक्ट'खौ फोसावनाय जायाखै ब्लाबो नाथाय बिटिसिनि दर 4 जिल्लायाव दासान्दि गुबुन गुबुन राजखान्थि दोलोफोरनि फोसावदिनाया मैखोमै सोलिबाय थानाय नुनो मोन्दों। बागसा जिल्ला बागानपारा परिषद (□ 5 बिलाइआव)

सत्रधिकार देबेन्द्र नाथ महन्तनि रुंसारि जानायखौ गिबि मन्थिआ दुखु फोरमायदों

दिसपुर, 27 अक्ट'बर: श्री श्री सिपहा सत्रनि सत्रधिकार गागि समाज सिबियारि, सोलोंथायगिरि आरो कलियाबर गोजौसिन फरायसालिनि आजिरा मोननाय गोययु देबेन्द्रनाथ महन्तनि रुंसारि जानायव गोथौ दुखु मोननाय फोरमायदों गिबि मन्थि सर्बानन्द सनवालआ। दिने गांसे रादाब बिबुंसारिनि गेजेरजों गिबि मन्थि सनवालआ बिथानि समाज सिबिनायजों लोगोसे सोलोंथाय आरो गुबुन बिथिङ्गव बिहोमा होलांनया अरायसम राइज्योनि (□ 5 बिलाइआव)

एनबिसिसिनि गोदान मावफुं आफाद दाफुंदों

उदालगुरि, 27 अक्ट'बर: माहारियारि बर' क्रिस्टियान गौथुमनि बोसोरारि गाहाय जथुममाया सोलिफु अक्ट'बर दाननि थानाय 23 आरु 24 खालारआव बिबिसिसिनि उदालगुरिआव थानाय आलासि न' सेन्टिनेरि गेस्ट हाउसआव जानानै थाडो। एनबिसिसिनि एंगारलांनया बेन्ज्यायगिरि मावथिफोरनि मावलांनयाखौ जथुममायाव बाखानाय जायो आरो 2020-2023 माइथायनि



थाखाय गोदानै बिबान मोननाय साफ्रोमबो एंगारलांनया आरो गोदानै बिबान लानाय साफ्रोमबोनि बिबानगिरिफोरखौ गोसो गोथारै नाजावनानै लायो। थाखाय बोर बिनानै जथुममायाव इसोरनि खाथियाव

आर'ज गाबो। मख'नो गोनांदि, गोदानै बिबान होजानाय आफादिगिरि, गाहाय नेहाथारि आरो राडारि नेहाथारिफोरनि मुडा फारिथे-रेभा. ङ अर्जुन बसुमतारि (कक्राझारनिफ्राय) आरो अपुबं नाज्जारि, नबिन चन्द्र नाज्जारि (गसाइगावनिफ्राय)। गांसे रादाब बिबुंसारिनि गेजेरजों एनबिसिसिनि गोदान मावफुं आफादनि आफादिगिरि रेभा. ङ अर्जुन बसुमतारिआ गोदान मावफुं आफाद दानायनि सायाव मिबिथिहोहरदों। □

सालबारियाव इउपिपिएलनि दैदेनगिरि, मावफारियाफोरा हान्जा सुरदों



भबानिपुर, 27 अक्ट'बर: इउपिपिएल दोलोनि सालबारि ब्लक कमिटीनि बान्जायनायाव बागसा जिल्लानि सालबारि बियाबयाव दिने सा 500 निबो बांसिन इउपिपिएल दोलोनि दैदेनगिरि, मावफारियाफोरा मोनसे गोलाव हान्जा सुरनाय ओंखारो। मख'नो गोनांदि, बिटिसिनि खुंथायाव 17 बोसोर थाबोनाय हान्जाखौ नागरनाय एबा सोलायनायनि थाखाय गुबुन मोनसे सांग्रांथि होनायनि थांखिजों इउपिपिएल दोलोनि दैदेनगिरि-मावफारियाफोरा (□ 5 बिलाइआव)

अर'ज गाबो। मख'नो गोनांदि, गोदानै बिबान होजानाय आफादिगिरि, गाहाय नेहाथारि आरो राडारि नेहाथारिफोरनि मुडा फारिथे-रेभा. ङ अर्जुन बसुमतारि (कक्राझारनिफ्राय) आरो अपुबं नाज्जारि, नबिन चन्द्र नाज्जारि (गसाइगावनिफ्राय)। गांसे रादाब बिबुंसारिनि गेजेरजों एनबिसिसिनि गोदान मावफुं आफादनि आफादिगिरि रेभा. ङ अर्जुन बसुमतारिआ गोदान मावफुं आफाद दानायनि सायाव मिबिथिहोहरदों। □

बरमायाव राइज्योफोरनि थाखाय बेखेवनानै होबाय 'दा फिस डाइभारसिटि एन्ड हेरिटेज मिउजियाम'



बागसा, 27 अक्ट'बर: बजालि फरायसालिमानि आजिरा मोननाय बिबुंगोरा डो निपेन्द्रनाथ शर्मानि गोखों नाजाथावनायनि थाखाय बरमायाव आबुडे महर मोनबाय मोनसे मिउजियाम। समबारखालि बे मिउजियामखौ राइजो-राजाफोरनि थाखाय बेखेवनानै होयो डो निपेन्द्रनाथ शर्माया। सोलोंथाय जिउयाव फरायसुला- (□ 5 बिलाइआव)

14 नं चिरां दुवार ब्लक इउ पि पि एलनि बान्जायनायाव साइकेल रेलि खालामदों

चिरांनिफ्राय फाकन गयारि, 27 अक्ट'बर: बि टि आरआव गोदान राजखान्थियारि खुंथाय सोलायनाय लाबोनांगोन थाखाय राइजो-राजाफोरनि गेजेराव मोनसे जावरिखंहोनायनि नोजोरजों इउ पि पि एल राजखान्थि हान्जाया दासान्दि गुबुन गुबुन जिल्लाफोराव हान्जा सुरनाय हाबाफारि बान्जायगासिनो थानायखौ नुनो मोन्दों। बे हान्जा सुरनाय हाबाफारिया दिने थामथि सानाव आगान होबाय। मिरु इउ पि पि एलनि बिथोन बादिथै 14 नं चिरां दुवार ब्लक इउ पि पि एलआबो बे साइकेल रेलि खालामनाय हाबाफारिखौ सोलिहोगासिनो। दिनेबो 14 नं चिरां दुवार बियाबनि इउ पि पि एलनि बिजाथि रन्जित बसुमतारि (बि आर फेरेंग)नि बाहागो लानाय आरो बिथांनि दैदेनायाव गोबां राइजो-राजाफोरनि हे फाजाबजों साइकेल रेलि



खालामनायखौ जाफुंसारहोयो। हाबाफारियाव बाहागो लानानै इउ पि पि एलनि बिजाथि रन्जित बसुमतारिआ बड'सा खोरंगिरिनि सिगाडव फोरमायदोंदि, बे साइकेल रेलि एबा हान्जा सुरनाय हाबाफारिनि गुबै थांखियानो जाबाय हालामनि थागिबि गांसे हारि-हारिसाफोरनि गेजेराव गोजोन आरो सान्ति गायसनाय। मानोना थानाय 17 बोसोरनि गेजेराव बि टि सियाव गोजोन गैथे थासारि सोलिलांबाय। जायनि थाखाय ओन्सोलाव गोजोन गैथे थासारि जोर्मजनायनि जाहोनाव जायमानि थागिबि सुबुंफोरा जागाथायखौ मोनो हायाखेमोन। बेनिखायनो इउ पि पि एलआ बे खेबनि बि टि सि बिसायख 'थियाव देरहानानै सरकार दानो थांगासिनो आरो सरकार दाखानायनि उनाव इउ पि पि एलआ बे हालामनि (□ 5 बिलाइआव)

सुजुगिरिनि खोलोम

मिथिंगाख्रौ सोमख्रै खालामनाया बिफां-लाइफां गायनाय

सुबुं समाजाव मोनसे हुदाख्रौ अरायसम नुनो
मोनो, बेनो जाबाय हाग्रामा एवस्रानाय आरो दंफां दानस्रानाय। गामिनि सुबुंफोरनि बाश्राल' नडा टाउन सहरनि सुबुंफ्राबो सुबिदा लाना हाग्रामाआव हाबहैना दंफां दानना लाबोनाय आरो गुबुनो फानहरनाय हुदाख्रौ गोदो गोदायनिफ्रायनो नुबोगासिनो दड। दिनैसिमबो सुबुं समाजाव बेनि गोथौयै रोदा सुनाय हुदाख्रौ नागारनो हायाख्रै।

मानासनि सुबुंफोरनि बाश्राल' नडा, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार। जिउ जुनाराबो हाग्रा बंग्रा, दंफां लाइफां नडाबा जेरै थाउरिनो हाया, मानसि माहारियाबो जिउ खानो हाया। मिथिंगानि सोर्जिनयनि मादाव दंफां लाइफां, हाजो-हाला, दैमा दैसा, दैमु बाइदिसिना नडाबा जिउ जुनातफ्रा दसेनि थाखायब्लाबो थाना थानो हाया। हाग्रा बंग्रा, दैसा दैमु गैयाबा बुहमनि आबहावाआबो जिउ जिराद थाना थानो हायै बाइदि गुबुंले जागोन।

सुबुं समाजा दंफां लाइफांनि सायाव जेरै बाइदि सोनारो बेखौ साननो रेंब्ला हाग्रा बंग्रानि सायाव बे रोखोमनि अनगार अत्यासारा जानाय नडामोन। हाग्रामाआव दंफां लाइफांनि अनगायैबो गोबां रोखोमनि जुनार, दाउसिन दाउला, एमफौ एनला, मैंग मैला, थायो। गामिबोख्रौनो मानसि माहारिनि गोनां जिउ खानायाव नांगौ। सुबुं समाजा नांगौख्रौल' मिथिनो रेंबाय नाथाय, बेफोर गोनां मुवाफोरख्रौ रेंखा खालामनो दासिमहालागौ सोलोडख्रिसै मानो?

मोनसे सोनाय फैयो, दंफां लाइफांख्रौ दानस्रानो सोलोनो हागौबा, बेफोरख्रौ गायनो सोलोनो मानो रेंदिया? गोदो गोदाय आबै आबौमोननि बिबै बिबौफ्रा गायना गालानाय दंफां लाइफांफोरख्रौ हागौमानि जौं दानस्रं जोबबाय जाय जेरै हागौ एरै। हाग्रामा गैयैलाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पिउटार, इन्टरनेट मुगानि सुबुंफ्रा सानखानो रोडाख्रिसै जौं थानो जेरै न'बां नांगौ, जुनारफोर थानोबो हाग्रामा नांगौ। जौंनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दे मोजाडे गियान होनांगोन आरो बेफोरख्रौ माब्रै गायनांगौ, फोथानांगौ, फेदेरनांगौ, राहोनांगौ, आरो माब्रै रेंखाथि होनांगौ, गोथौयै फोरैनांगोन, मिथिहोनांगोन, दंफां लाइफां, हाग्रामा थायाब्ला जौंबो थाना थानो हानाय नडा बे बुहुमाव।

दिनैनि फानजायुधि

राशि बाइदियै मुंनि गिबि हांखो
मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: जेखि मावा मानाने लानो हागोन। दिनैनि दिनआव मुलाम्फा मोन्यायनि आसा दं। मोजां सान।

बृष: माबाफोर जैनायाव गोम्लैनो हागौ। लामा-सामाफ्राव सांग्रां जानांगोन। गोसो हमथानांगोन।

मिथुन: थांखि होसोनायाव गोसोख्रौ लोरबां खालामनाने लानो नाडा। सांग्रां जानाने मावनो नाजा।

कर्कट: सोरनिफ्रायबा माबाफोर दान मोनो हागौ। गोसोख्रौ गोजोन्नाय मोनगोन। मोजां सान।

सिंह: जैना-जैसि जानाया जोबस्रानाने थानाय नडा। गोसोख्रौ सान्ति मोनै मोनगोन। गोसो हमथानांगोन।

कन्या: फालांगि मावनायाव खहाफोर जाबायबायनो हागौ। जेखि-मावा सांग्राडे मावनांगोन।

तुला: बे राशिन थखाय गोथार सान। मोजां खामानि मावनाने लानो हागोन। जौगाखानाय फैनो हागौ।

बृश्चिक: मोजां मोनलायनायाव अनलायनाय फैगोन। दौलेड गोरा जागोन। मोजां सान।

धनु: बेराम-आजारफ्राव गोम्लैबायनाने थानो हागौ। देहाख्रौ सांग्राडे लाखिनांगोन।

मकर: मानिबा जाहोनाव गोसोख्रौ गोजोन्नाय मोनै मोनगोन। मावनाय-दानायाव धैय्य गैयै जागोन।

कुम्भ: माबा मोनसे मुवा गोमाजानो हागौ। सांग्राडे नोजोर लाखिनांगोन।

मीन: मानिबा जिगायाव गोम्लैबायनो हागौ। जेखि-जाया गोसो हमथानांगोन।

आसुआ 2020 नि माद्रासा आन्जादआव थामथि सारिआव उथिनो हानाय फरायसाख्रौ बरायदों

गसाइगाव, 27 अक्टबर: आसुनि लोगो गाहाय नेहाथारि नबज्यति रयनि दैदेन्नायाव दुलाराय आसाम फरायसा आफादनि मोनसे हान्याया 2020 नि आसाम हाइ माद्रासा आन्जादआव आसामनाडै थामथि सारिआव उथिसारनो हानाय गसाइगावनि फरायसुला रसिदुल आली शेखखौ बरायदों। आसुनि मोनसे हान्याया दिनै रसिदुल आली शेखनि बिबथेनि न'आव थानानै फरायसाख्रौ बरायदों। मख'जाथावदि, गोखि थाखोनि नख'रनि फरायसुला जानानै ब्लाबो रसिदुलआ गोखिख्रौ नेवसिनानै गावनि नाजानाय आरो गोब्राब खस्थ' खालामनायनि गेजेरजों राइज्योनाडै बे माद्रासा आन्जादआव थामथि सारिआव उथिनानै ओम्सोलनि थाखाय देरगानाय लाबोनो हादों। कक्राझार जिल्लानि सिडाव थानाय गसाइगाव सहरनि साखाथि थानवारीआव बिबथेनि न'आव थानानै फरायनाय रसिदुलआ आसाम हाइ माद्रासा आन्जादख्रौ नबज्यति हाइ माद्रासा फरायसालिनिफ्राय उथिनो हादोंमोन। बबेखानि रसिदुलनि गुबै न'आ कक्राझार जिल्लानि सिडाव थानाय गसाइगाव महकु मानि बेंखनआव थानाय 2 नं आसाबारिआव।

सालबारि बियाबआव इउपिपिएल दोलोख्रौ हेफाजाब होनानै फोसावदिनाय सुबुं मेलआव एबसुनि दैदेनगिरि फनिन्द्र बर' सा 200 निबो बांसिन बाराग' एनडिएफबि, बिपिएफनि मावफारियाफोरा इउपिपिएलआव हाबफैदों

भवानीपुर, 27 अक्टबर: थानाय 17 बोसोरआव बिटिसिआव हाग्रामा महिलारिनि दैदेन्नायाव बिपिएफ दोलोन थान्दै, दैदेनगिरि, दालालफोरनि गेजेरजों सरकारि धोनफोरख्रौ लुथिदों। जायनि थाखाय बिटिसिआव जौगाखाडाख्रै, बाराग' गाहाय खुंगिरि हाग्रामा महिलारिनिफ्राय भिसिडिसिनि बिबानगिरिनिफ्राय लानानै सोद्रोमाफोरसिम गेनाखाथि खालामनायनि थाखायनो गुवारै जौगाखाडाख्रै। जौगानायनि थाखाय सरकारि बिथिनिफ्राय गोखिबफोरनि थाखाय फैनाय रांफोरख्रौ जाखल'नायनि थाखायनो बिटिसिनि जौगानाया एसेबो आवगायाख्रै। हाग्रामा महिलारिनि दैदेन्नायाव बिपिएफ दोलोन मिन्थ्र, एमपि, एमएलए, मावफुं सोद्रोमा, एमएसिएए, गोबां दैदेनगिरिफोरा गाव-गावनि सम्पतिख्रौ हाजोबादि खालामनाने लादों। राइजो-राजाफोरख्रौ थगायनाने, राइजो-राजानि फैनाय धोनफोरख्रौ



लुथिनाने बिसोर दैदेनगिरिफोरा गाव-गावनि धोनख्रौ बांसिन खालामनाने लादों। नाथाय बे खेबनि बिटिआरनि साफ्रोमबो हारि-हारिसानि सुबुंफोरा ख्रौसेथि जानाने बे खेबनि बिसायख'थियाव बिपिएफ दोलो, हाग्रामा महिलारिख्रौ बोखारनो थाखाय थियारि जाबाय। राइजो-राजानि अन्सायनाय, हेफाजाबआव इउपिपिएल दोलोआ बिटिआरआव सरकार दाफुंगोन। बेफोर गोनां बाश्रौख्रौ बुथिदों एबसुनि दैदेनगिरि फनिन्द्र बर'आ। बाक्सा जिल्लानि सालबारिनि काटलपारायाव खुंनय इउपिपिएल दोलोख्रौ हेफाजाब होनानै एबसुनि हातिनापुर, बिजनी दख'रा आफादनि बान्जायनायाव बाहागो लानाने मोनसे बिसायख'थि फोसावदिनाय मेलआव फनिन्द्र बर'आ आगुनि बिटिसि सरकारआव थानाय दैदेनगिरि आरो बिबानगिरिफोरख्रौ गोख्रौ रवजों सावरयदों। बे मेलावनो बर' सावथुन मुलुगनि फेस्ता फाव दिन्थिफुंरा फावगिरि फैला जे

इउपिएससि आन्जाद उथिनो हानाय किशर शुत्रधरख्रौ आसुआ बरायदों



कक्राझार, 27 अक्टबर: सामलायबाय थानायनि गेजेरजोंब्लाबो शुत्रधरआ गावनि नाजानाय आरो गोब्राब खस्थ' खालामनायनि गेजेरजों हादरनां थाखोनि इउपिएससि आन्जादख्रौ उथिसारनो हादों। बिथाडा खेबसे नाजानायनि गेजेरजों 784 रेंकआव उथिनो हादों। दिनै लेडाइ गाहाय नेहाथारि नबज्यति रयनि दैदेन्नायाव आसुनि सा 5 सोद्रोमानि मोनसे हान्याया शुत्रधरनि न'आव थानानै

सरुपेटायाव बिजेपिनि राइज्योयारि आफादगिरि रन्जित कुमार दासनि फोसावनाय मुंख्लं कर्गेस्वर तालुकदारनि मुडाव गोसोखां पार्क लुफुंगोन

भवानीपुर, 27 अक्टबर: आसामनि अरायथा रेंखाथिनि सोमावसारनायाव गिबियै मुंख्लं जानाय रंसारि कर्गेस्वर तालुकदारनि जिउ बाउसोमनाय जायगा भवानीपुरआव मुंख्लंफोरनि मुडाव मोनसे गेदेर मुसुखा, गोसोखां पार्क, मुंख्लं भवन लुफुंनय जागोन। बेनि थाखाय राइज्यो सरकारआ मोनसे फुन्जनि गेजेरजों 30 लाख रां गनायथिनाय जाबाय। बेबादिनो मुंख्लं कर्गेस्वर तालुकदारआ फरायनाय सरुपेटानि बिएइसबि फरायसालिमायाव बिगियान भवन लुफुंनयनि थाखाय 25 लाख रां, सरुपेटानि हारिमु



मिलन मन्दिर जौगाखांनि थाखाय 5 लाख रां फुन्जनि गेजेरजों गनायथिनाय जाबाय। थाबैनो बेफोर जौगाखांनि खामानिआ जागायजेनगोन।

बेबादि बाश्राफोरख्रौ फोसावनानै होदों आसाम राइज्योयारि बिजेपि दोलोन आफादगिरि आरो सभंग बियाबनि एमएलए रन्जित कुमार दासआ। सरुपेटायाव खुंनय दुर्गाफुजा फोर्बोनि समाव गाहाय आलासि महरै बाहागो लानाय समाव बेबादि जौगाखांनि बाश्राख्रौ मिबथिहोदों। दासआ बुडेदि, शंकरदेबआ गेदेर असमीया हारिख्रौ ख्रौसेथि खालामलानायाव गुबुन गुबुन हारि-हारिसानि धोरमनि सुबुंफोरनो आबुं मोन्थायख्रौ होलादोंमोन। फार्सेथिं कंग्रेस दोलोन एमएलए शेरमान आलीआ सिगाडाव बुंनय बाश्राख्रौ रायखानाने रन्जित दासआ बुडेदि, गावनि धोरम

28 अक्टबरआव जथाय माहारि हारिमुवारि जथुम

कक्राझार, 27 अक्टबर: कक्राझार जिल्ला दुलाराय बर' हारिमु आफादनि बान्जायनायाव फेगौ 28 अक्टबरखालि सानसेनि हाबाफारिजों जथाय माहारि हारिमुवारि जथुम एबा इन्टर कमिउनिटि काल्सारेल कनक्लेभ खुंनो थाखाय साखा-फारा जादों। कक्राझार सहरनि साहा फार्से 5 कि:मि: जान्थायाव थानाय तिनालि साखाथि गोदान लावरिपारा (खांखलाबादा) नि गेलेग्रा फोथारआव सानसेनि हाबाफारिजों खुंनो लानाय बे जथुमख्रौ बेखेवनाने होगोन दुलाराय बर'फरायसा आफादनि गाहाय नेहाथारि लरेन्स इसलारिआ। बे हाबाफारिआव गाहाय आलासि महरै बाहागो लाफैगोन ड अरुप हाजरिका, एइसअडि, एफ्लाइड एक्टि फिल्म एन्ड टिथि इन्स्टिटुट। बे हाबाफारिआवनो माननि आलासि महरै बाहागो लाबावगोन भिनुएल दुलाराय बर' हारिमु आफादनि गाहाय नेहाथारि नेल्सन दैमारि, कक्राझार जिल्ला बर' थुनलाइ आफादनि आफादगिरि बानेस्वर बसुमतारि, कक्राझार जिल्ला एबसुनि आफादगिरि जनक उजिर, दुलाराय आसाम सावथालि फरायसा आफादनि गाहाय नेहाथारि बिशु हास्टा, कक्राझार जिल्ला नाथ यगी फरायसा आफादनि आफादगिरि धनन्जय नाथ, दुलाराय आसाम राभा फरायसा आफादनि बोसोनगिरि रमिअ लकभकमोनजों लोगोसे गुबुन गोबां बिबानगिरिफोरा।

हादतनि जौगाखांनायाव गेनाखाथिया हेंथा होदों : सिडिएस जेनेरेल बिपिन रावत



गोदान दिल्ली, 27 अक्ट'बर : चीफ अफ डिफेन्स जेनेरेल बिपिन रावतआ मंगलबाराव बुंदों,

हादतनि समाजयारि, राजखाथियारि आरो रांखाथि जौगाखानायनि लामायाव गेनाखाथिया गिदिर जैना।

गेना खाथिख्रौ फोजोबस्रानो थाखाय गामिबो गोहोम गोनां सुबुंफोरा ख्रौसे जानाने हाबाफारि मावनाया गोनांथार। गाहाय मिन्थ्र नरेन्द्र मदि आरो जेनेरेल रावतआ थियेटार कामान्ड बानायनो थाखाय बिथोन माख्रौ होदों। मख'नो गोनांदि, बे खाबुआव चीफ अफ डिफेन्स स्टाफ जेनेरेल बिपिन रावत आरो साथि गाहाय जेनेरेल एमएम नरवणेआ नेसनेल वार मेम 'रियेलाव थानाने मुंख्लंफोरनो बिबार बावदों।

गाहाय मन्थि मदिआ इन्फेन्ट्रिनि साहस गोनां जवानफोरनो हामलायथि बाउहरदों

गोदान दिल्ली, 27 अक्ट 'बर : गाहाय मन्थि नरेन्द्र मदिआ मंगलबारखालि इन्फेन्ट्रि डे नि जर 'खा समाव जवानफोरनो हामलायथि बाउहरदों। अदेबानि गाहाय मन्थि मदिआ हामलायथि बावहरनाय समाव बुडोदि, गासै रेंकनि जॉनि साहस गोनां जवानफोरनो इन्फेन्ट्रि डेनि हामलायथि बाउहरदों। मानोना हादतनि रेखाथियाव इन्फेन्ट्रिनि बिफावनि सायाव भारतआ गोग्गायो। बिसोरनि साहस आरो जोहोलाव आखुजॉनो हादतनि सुबुंफोरा थुलुंगा मोनो। बे समाव बे जायगायाव चिफ अफ डिफेन्स स्टाफ जेनेरेल बिपिन रावत आरो सान्थि गाहाय जेनेरेल एमएम नरवणेआ नेसेल वार मेम 'रियेलआव थानानै मुंख्णोफोरनो बिबार बाउहैयो। मख 'नो गोनांदि,



इन्फेन्ट्रि डे खौ भारत उदांघ्रिनि गिबि सान्थियारि बिजिरनायखौ गोसो खानानै फालिनाय जायो। अदेबानि भारतआरि सान्थिफोरा थानाय 1947 नि 27 अक्ट 'बरआव काश्मीरआव पाकिस्ताननि सान्थिनि गिबि

गालोबनायखौ जाफुंसार होया जासे देरहानाय मोन्दोंमोन। बे दावहायाव भारतआरि सान्थिनि सिख रे जिमेन्ट्रिनि गिबि बेटेलियानआ गावसोरखौनो जोहोलाव महरै दिन्थिनो हादोंमोन। पाकिस्ताननि

सान्थिफोरखौ गालोबनायनि उनाव काश्मीरनि राजा हरि सिंआ भारत सरकारनिफ्राय मदत बिदोंमोन, जायनि उनाव भारतयारि सान्थिफोरा काश्मीरनि रेखाथिनि थाखाय बेयाव सौहैयो।

सनियाआ मदि सरकारखौ थांखिदों

गोदान दिल्ली, 27 अक्ट 'बर : बिहार बिधान सभा बिसायख 'थिनि सिगां कंग्रेस आफादगिरि सनिया गान्धीआ मदि सरकारनि सायाव गाग्लोबदों। बियो बुंदों राजखाथि हेंथा-होगिरि आरो सिभिल स 'साइटिनि सोद्रोमाफोरखौ थांखिनाय जादों। मुलुगनि बयनिखुइबो देरसिन सुबुंतन्त्रआ बाइजोयाव गसना दं। गोसोयाव गोजोनाय मोनैखौ उतखारि आरो हादत बिग्रायारिनि महर होनाय जादों। गांसे खौरां लाइनि लेखयाव सनिया गान्धीआ दाय जाबसिन्दोंदि, भारतनि रां-खाथि बेबस्थाया जेना गोनां जादों। नाथाय मदि सरकारआ बेनि फासं नोजोर होया लासे सुबुंतन्त्रनि गासिबो माइल खुन्थियाखौ लोरबां खालामनायावसो नांथाबदों। सुबुंथिनि उदांघ्रिखौ दबथायनाय आरो हुमखि होनायजों



फोजोबसादों। गासिबो केसखौ माहारियारि रेखाथिजों सरजाबनानै नंगुबै जेनानिफ्राय सुबुंफोरखौ जानगाराव दोन्दों। पान्जाबयाव आबाद आयेनखौ लानानै हेंथा धर्ना होनाया सोलितदों। बेनि गेजेराव दशहरेनि खाबुयाव पान्जाबनि माखासे जायगाफोराव गाहाय मन्थि नरेन्द्र मदिनि पुतलाखौ सावनाय जादों। बेखौ लानानै कंग्रेस दैदेनगिरिया राहुल गान्धीआ

माखासे सोंथि देखदों। बेनि सायाव बिजेपि आफादगिरि जेपी नडुया उल्थायै राहुल गान्धीखौ थांखिदों। नडुया बुंदों पान्जाबयाव बे ड्रामाया राहुल गान्धीनि इसार होनायनि सायाव जादों। बे जाथाया लाजिनांथाव। नाथाय गावसोर बेबादिनो ड्रामा खालामगोन सानखादोंमोन। राहुल गान्धीया टुइट खालामनानै बुंदोंमोनदि, पान्जाब नाडै गाहाय मन्थि मदिनि पुतलाखौ

सावनाय जादों। राहुल गान्धीआ बुंदों पान्जाबयाव सुबुंफोरा गाहाय मन्थिखौ रागा जौनाया दुखु नांथाव बाश्ना। बेनि थाखायनो गाहाय मन्थि मदिआ बिसोरजों बाश्ना सावराय नांगौ। राहुलआ गावनि टुइटजों लोगोसे गांसे कपिखौबो लागयादोंमोन, जेराव रबिबाराव पान्जाबयाव माखासे सुबुंफोरनि गेजेरजों राबननि पुतलायाव गाहाय मन्थि मदिनि सावगारि दोन्नानै सावनाय जादोंमोन। नडुया फिन्नाय होनानै बुंदों नेहरु-गान्धी बंशआ माब्लाबो गाहाय मन्थिनि मासिखौ सम्मान होयाखै। 2004-2014 सिमनि इडपिएनि खुंथाय खुंनाय समावबो गाहाय मन्थिनि मासिनि सम्मानखौ लोरबां खालामदोंमोन। जुदि माबेबा मोनसे पार्टिनि आखु दिन्थिनाया मुगै जाथावक्ला, बे पार्टियानो जादों कंग्रेस।

मदि सरकारा आबहावा गुबुंले जानायनि सायाव सामलायनो थाखाय गोदान आयेन लाबोगोन



3 सोद्रोमानि पीठआ आबहावा गुबुंले जानायनि सायाव सामलायनो थाखाय मिरु सरकारनि फासंनिफ्राय गोदान आयेन लाबोनायखौ बाखनायनानै गोजोनाय फोरमायदों।

अदेबानि पीठआ बुडोदि, आबहावा गुबुंले जानायनि जाहोनाव सुबुंफोरा हांथोनो-थोनो जादों आरो बेनि सायाव होबथानाया गोनांथार। कर्टआ सलिसिटर जेनेरेलनि आर 'ज गाबनायखौ गनायनानै जास्टिस लकुर कमिटिखौ दानायनि 16 अक्ट 'बर नि बिथोनखौ आथिखालाव फासयबाय। हियारिनि समाव पीठआ बुंनाय बायदिब्ला, मिरु सरकारा बे आयेन लाबोनायाव जाफुंसारदों आरो बिसोर आबहावा गुबुंले आरो जाब्रा सावनायनि सायाव होबथानो थाखाय गोदान आयेन लाबोगासिनो दडः।

गोदान दिल्ली, 27 अक्ट 'बर : दिल्ली एनसिआरआव गोब्राबे आबहावा गुबुंले जानायनि जेनानिफ्राय बारग 'नो थाखाय मिरु सरकारा फेगौ माखासे साननि गेजेरावनो आयेननि बिथांखि थियारि खालामनानै कर्टनो गथायगोन। बेनि गेजेरजों मिरु सरकारा थानाय समबारखालि सुप्रिम कर्टनो फोरमायोदि, आबहावा गुबुंले आरो दाखोर-दाला सावनायनि जेनानिफ्राय बारग 'नो थाखाय

मिरु सरकारआ सान 3-4 नि गेजेरावनो गोदान आयेन लाबोगोन। मिरु सरकारनि फासंनिफ्राय सलिसिटर जेनेरेल तुषार मेहताआ सुप्रिम कर्टनो बेनि खौरां होनानै कर्टनिफ्राय आर 'ज गाबोदि, आथिखालाव जाब्रा सावनायखौ नोजोर होनो थाखाय जास्टिस मदन बी लकुरनि कमिटि दानायनि बिथोनखौ फासयो। गाहाय बिजिरगिरि एसएस बबडेनि आफादगिरि सामलायनायाव सा

गोदान दिल्ली, 27 अक्ट 'बर : हादतनाडै मोब्लिब गोहो दिहुन्थायाव नांथाबनाय थार्मल पावार प्लान्टनिफ्राय ऑंखारनाय हाथफला (फ्लाइएस) आ आबहावायाव बिषखौ गलायना होनायजों लोगोसे सुबुंफोरनाव टि.भि. हापानि समप लयाव इनफेक्सन जानाय आरो केन्सार बादि बेरामखौ गोसार होदों। बेबादि जेनाखौ सुप्रानो थाखाय पावार प्लान्टनि 300 कि:मि: नि बेंखन्थायाव दालां, बान्दो आरो राजा-लामा बानायनायाव हाथफलाखौ बाहायनाय जागोन। लामा बानायनायाव हाथफलाखौ बाहायनायजों




मिथिंगायारि मुवा-बेसादया खम ख 'हा जागोन। हान्था मेला मावख 'या 23 अक्ट 'बराव गासिबो राइज्योफोरनि गाहाय

सेके टारि एनएइएचआइ, एनएइएचएआइडि सिएल, पिडाब्लिउडिनि चिफ इन्जिनियार फोर आरो

बिआरनो लाइजाम लिरदों, लाइजामयाव बुंनाय जादोंदि, हादतनाडै 40 निफ्राय बांसिन थार्मल पावार प्लान्टनिफ्राय

बोसोरफामबो ऑंखारनाय कौटि कौटि टन हाथफलाया आबहावानि थाखाय गिदिर जेना जादों। मावख 'नि बिबानगिरिनि बादिब्ला, पावार प्लान्ट सामलायगिरिआ 100 जौखोन्दो हाथफलानि जेनाखौ सुप्रानो हायाखै। जायनि जाहोनाव हा, दै आरो आबहावायाव हाथफलाया गलायना थानायाव बेफोरो जेना गोनां जादों। सरकारनि बादिब्ला, भारतआव थार्मल पावार प्लान्टनिफ्राय 63 जौखोन्दो मोब्लिब गोहोखौ दिहुन्नाय जायो।

पाकिस्ताननिफ्राय फैनाय नंखाय कल (फर्जि कल) आ मुम्बाइ आरो दिल्लीयाव बेरफुनाय जाथाइनि हुमखि होदों



गोदान दिल्ली, 27 अक्ट 'बर : माहारियारि नायबिजिरा एजेन्सि (एनआइए)नि बिबानगिरिया बै समाव गोमोयो, जेब्ला पाकिस्ताननि मोनसे नम्बरनिजों खेबथाम कल खालामनानै मुम्बाइ

आरो दिल्लीयाव बमजों बेरफुनाय जाथाय खालामनायनि हुमखि होदों। नाथाय उनाव मिबंथिनो मोनोदि, बियो फर्जि कलमोन। एनआइए सुलुज फोरमायनाय बायदिब्ला, एजेन्सिनि कन्ट्र

रुमआवथानाय 20 अक्ट 'बर खालि सानजौफुनि 12.35 रिं गायवा कल खालामदों। अदेबानि फन खालामग्रा सुबुंफोरा बुंनाय बायदिब्ला, जैश-ए-महम्मदनि सरगना मौलाना मसुद अजहर आरो बिनि फंबायआ मुम्बाइ आरो दिल्लीयाव गालोबनो थाखाय सा 22 सोद्रोमाफोरनि मोनसे हान्जा बानायदों। नाथाय उनाव बेखौ फर्जि कल होना मिथिनानै रावबो बेखौ सिरियास लायाखै। मख 'नो गोनांदि, एनआइएनि गेजेरजों जैशजों लोब्बा गोनां माखासे केसखौ नायबिजिरनाय जागसिनो दडः। बेयाव पुलवामायाव उतखारि गालोबनाय आरो थानाय 2008 नि मुम्बाइ उतखारि गालोबनायावो दंफायो।

समाज सिबियारि, राजखान्थिगिरि आबदुल सुभाननि रुंसारि जानायाव गिबि मन्थिआ दुखु फोरमायदों

दिसपुर, 27 अक्ट 'बर: आसाम माइन 'रिटी जौगाखां आफादनि सोद्रोमा, गागि समाज सिबियारि, राजखान्थिगिरि आबदुल सुभाननि रुंसारि जानायखौ गोथौ दुखु मोन्नाय फोरमायदों गिबि मन्थि सर्बानन्द सनवालआ। दिने गांसे दुखुनि रदाब बिबुंसारनि गेजेरजों गिबि मन्थि सनवालआ बिथानि थानानै थानाय समाव खौसेथिनि थाखाय नाजानाय आरो बिहोमा होलांनया साफ्रमबोनि गोसोआव रायखांजागोन। आसाम माइन 'रिटी जौगाखां आफादनि सासे सोद्रोमा महरै माइन 'रिटीफोरनि जौगाखांनि थाखाय बिथाड थोजासे बिहोमा

होलांनो। नलवारि जिल्लानि गुबुन गुबुन आफाद आरो फसंथानजों लोब्बा थानानै बेफोर फसंथानफोरखौ जौगाखां होनायनि फासं बिथाड रायखांजाथावना खामानि मावलांदों। गागि समाज सिबियारि आरो राजखान्थिगिरि रुंसारि जानाया जॉनि सुबुं समाजनि थाखाय मोनसे सुफुंख 'हायै खहा होनानै गिबि मन्थिआ बुडे। गिबि मन्थिआ रुंसारि आबदुल सुभाननि बिदाइ जिउमानि थाखाय इस्वोरनि खाथियाव आर 'ज खालामनायनि अनगायैबो दुखुथियाव नख 'रनिनिम दुखु मोन्नाय फोरमायहरदों।

मिरु सरकारआ हौवा मावसुमा-फोरनो गिदिर रेहाय होदों



गोदान दिल्ली, 27 अक्ट 'बर: मिरु सरकारआ हौवा मावसुमाफोरखौबो साइलड केयार लीभनि मोन्थाय मोन्नो हानाय बानायदों। मावसुमा आरो ट्रेनि बिफान (डिअपिटी) नि गेजेरजों सुस्रानानै बेबादि थांखिखौ लानाय जादों। मिरु मन्थि जितेन्द्र सिंआ बुंदों-सिसिएलनि नेमखांथिआ बै हौवा मावसुमाफोरनि थाखायल 'जाय गथ 'साखौ बिमा-बिफा

महरै जौथोन लादों। बेवहाय बै मावसुमाफोरबो थाफादेरगोन, जायना तालाक जादों। बेजों लोगोसेनो बियो बुंदों, बे बिथोन होनायखौ माखासे सम सिगांनो फोसावखांबाय। नाथाय बे खौराडा दासिमबो सुबुंफोरनिमिम मोजाडै सौहैयाखै। बेनि अनगायै लीभ ट्रेभल कन्सेसननि मुलाम्फाखौबो मावसुमाफोरा लानो हागोन, बियो चाइलड

केयार लीभआव दंब्लाबो। गिबियाव छुट्टि लानाय हौवा मावसुमाफोरा 365 सानआव 100 जौखोन्दो बेतनखौ मोनगोन आरो इयुनआव छुट्टि लाबावोब्ला 365 साननि 80 जौखोन्दो बेतनखौ मोनगोन। बेंगुरा-बेंगुरि गथ 'फोरखौ जौथोन लानो थाखाय जायखि-जाया सरकारि मावसुमाफोरा साइलड केयार लीभ लानो हागोन। गिबियाव बेनि थाखाय गथ 'फोरनि मेक्सिमम बैसोनि सिमनाखौ 22 बोसोरसिमनि थाखाय रोखा खालामनानै होनाय जादोंमोन। मिरु मन्थि जितेन्द्र सिंआ फोरमायदोंदि, गाहाय मन्थि मदिआ सुबुंथिनि आखुखौ दिन्थिदों आरो बेनि थाखायनो माखासे गोनांथि थांखिखौ लानाय जादों। थानाय 6 बोसोराव सरकारआ माखासे जेनाखौ सुस्रानों। बेबादि जेना सुस्रानायजों मावसुमाफोरा मोजाडै हाबाफारि मावनो हागोन।

शनिबारआव ब्लु मुनखौ नुनो मोनगोन

गोदान दिल्ली, 27 अक्ट 'बर : बे सप्ताहयाव ब्लु मुनखौ नुनो मोनगोन। मख 'नो गोनांदि, अक्ट 'बर दाननि जोबथा शनिबारआव गुन गोनां अखाफोरखौ नुनो मोनगोन। सरासन्सा महरै दानफोमबो खेबसे पुर्णिमा आरो खनसे अमाबस्या थायो। नाथाय बे खेबआव से दानआवनो खेबनै अखांआव फुरा अखाफोरखौ नुनो मोनगोन। बे रोखोमनि जाथायाव दाननि 2 थि खेब पुर्णिमान अखाफोरखौ ब्लु मुन बुडो। दिल्लीनि नेहरु



तारामन्डलनि बिथोनगिरि एन रत्राश्रीआ फोरमायदों 30 साननि दाननि समाव ब्लु मुन जानाया

जेबो सरासन्सा बाश्ना नडः। बियो फोरमायदों 30 साननि दानाय थानाय खेबआव 30 जुन, 2007

आव ब्लु मुनआ नुजाथिदोंमोन आरो फेगौ खेबआव बेयो 30 सेप्टेम्बर 2050 आव नुजाथिगोन। बियो बुंदोंदि, 2018 आव 2 खेब बिबायदि खाबुआ फेदों जेब्ला ब्लु मुननि जाथाया जादों। बै समाव गिबि ब्लु मुनआ 31 जानुवारीआव नुजाथिदों जेराव 2 थि खेबआव 31 मार्चआव जादों। बेनि उनाव ब्लु मुनआ 31 आगस्ट 2023 आव जागोन। आथिखालाव बेखौ ब्लु मुन बुंनाय जायो मोनथिनाय बायदिब्ला 1 अक्ट 'बराव

पुर्णिमामोन आरो 31 अक्ट 'बराव पुर्णिमा जागोन। नेहरु तारा मन्डलनि बिथोनगिरि अर बिन्द फ्रान्जपेयआ अखाफोरनि बेबायदि जाथायखौ मख 'नानै फोरमायदोंदि, अखाफोरनि बे जाथाय जानाया 29 सान, 12 घन्टा, 44 मिनिट आरो 38 सेकेन्डनि जायो बेनिखामनायनो से दानआवनो नै खेब पुर्णिमा जानायनि थाखाय गिबि पुर्णिमाया बै दाननि गिबि एबा 2 अक्ट 'आव जानांगौ।

आंनि सिनायथि दायआ सोरनि

रंजालि गथ' फोरनि सौरा

राजखास्थियारि फिथाय

गोदान मुगानि सेंग्राफोर

आं होनो सानदों आंनि सिनायथि सानन्सियारी बड'सानि हेफाजाबै । फरायो आं मोनफ्रोमबो सप्ताहनि बर'नि आंगो बड'सा खौरां । नड आं सोरबा द्रामाटिक, महरगिरि, खन्थाइगिरि, सल'मागिरि आं सासे बर' सेंग्रा फरायग्रा सोलोग्रा । सा ककराझार अलंबार हाइस्कूलनि आदुवासिन फरायसा अलसियाबो । जानाय लोनाय उन्दुनाय बेनो जादों आंनि रुटिन । सेंग्रा-सिखलानि लावनि सल' बिजाब दैलि फरायनाया आंनि स्टारि । आं सोबा बिरि सिगारेट, आं जाया सादा गय फाथै, आं लोड साहा नाथाय ... आंछे जौनि रोसिखौसो लोडो । सावरि -बादलि, फुजा-फोबों, हाबाथिलि, गोदान बेफोर आरो बैसागु बेफोर आंनि बावनो हाथै दिनसै । फैगौ आनजातनि दानआ जाथारनोसै जोबथा आनजादआ जादोंबो जायाखैबो आं मिथिला रिजाल्टआ हले जागोन फार्से-फास । नाथाय फैगोन काल-मासि रानखरबबाय आंनि सेहेराया । जानो हागौ बांद्राइ देलानायखाय गोसोआव लानायखाय केमेरा मेगनआव लानायखाय दुरबिन, बेफोरनो जाथायसे ज'थायनानै, खस्टयै होनाय गुबै सिनायथि ।

मुस्रि एस. आनलाखि बहम ।
जिल्ला - कक्राझार

फागुन दाननि रानस्राव गोरान लामानि दावबायारि बबेबा थांखिनि नाथाय सिनाया आं बैसिम सहैनायनि लामाखौ मिथिगो बेखौल' अरायबो मोजां लामाजों थानांगौ । लामानि दुंबुद गोरान बारआ बारगुलुनानै हाद्रि सारलांबाय आंनि मेगनाव, आं एसेबो नायनो हायाखिसै खाथि खालानि जिरादखौ नुनो मोनाखिसै । आं जेब्ला आन्दायनानै थाबायबाय थायो, सोरबा सिखिरि मानसिया आंखौ बोलांफायो, आंदि बेसेबां गोजोन्नाय मोनदों बेजोंनो सौहैफासिगोन सानानै गोसोआव बायदि मिजिं लानानै । रंजानायजों बेखौ सानफ्राडखै मोनदि आं माबायदि लामाजों थानों । गुमुरखौनो मोनाखैमोनदि आं सौथु लांबाय थादों, दसे उनाव जेब्ला दैमा बारनो हमो अब्लासो आंनि गोसोआ गिखाडो दैजों मोखां सुम्रायोब्ला गिलु बालु हाग्रामा सिगांथिं नुहरो । थाबैनो गिदिंफिनो आं सिगांनि लामाथिं, मोनहैफिनगोन आं गोजाम आगानखौ । नाथाय बबेआव मोनबावगोन बारग' लानाय समखौ ? बेनिथाखाय आं आंखौनो माबोरैहाय दायनिगिरि खालामनो आंनि मोजां गात्रिखौ बिजिरनो गुबुनखौ आं मानो हांखायनो ?

गब्ला बसुमतारी ।
कक्राझार ।

जेब्लाबो जेरैबो जेनिबो जेरावबो खुरखाव-खुरसि नागिरदों हनै गोजोन मिनिनाय बयबो । माब्लाबा गाबनाय माब्लाबा मिनिनाय जिउआनो माथो निदानजों बुंफननाय । सानालाय आंखारदों आरो हाबदों थैवबो बहाथो बोरो मानसिनि लुबैनाया जोबदों, सान्दु-अखा नाथि-नाजुरिफोराबो खाथिबायदों बहाथो माथो राजखास्थिजों मोनजादों । मालायबा -मालाय हनै निहिलिस्तफोराल 'सो जौदों भट समावल 'सो सावरायदों अखा नायब्लानो सोरखौथो सिनायबावदों ।

बिकाश बहम
कक्राझार

नाड,नाड जौनों, दानि जुगनि सेंग्राफोरखौ लेखा, फरा रोड गारा, सिखलाफोरखौ फागिल खालामग्रा थगायसुला । थाथिखा नों गोदान मुगानि थिफुदला । फोथाय जाला दानि सेंग्राफोरखौ, हाय हाय मा जाबावगोन आजिखालिनि सेंग्रा देतला, लाजिनो रोडै सेंग्राफोर सि सि सि..... मटर, बाइक, सिबखावग्रा सिखलाफोरखौ नुब्ला हाय हाय । दंनाय, गैथै मिथिरोड, मटर, बाइक सिबखावग्रा ' मानसिमोन नामा.... ? बिमा- बिफाखौ सनमान दोनला । गन्थं गैला बिसोरहा टाउननि 'सिखलाफ्राल' सिखला नामा... ? गामिनि सिखलाफ्रा सिखला नडामोन नामा..... ?

बिन्दिया बसुमतारी
आफलागाव

गोसो थोफ्लांबाय आं जाबाय आं दुथामि

गोसो थोफ्लांबाय आं नोंखौ स'ना; मा होन्नानै रायज्जायबावगोन आं नोंखौ लोगो मोनबोला सना । जाया नंड जाबाय नोंबो सासे महर गोसा नोंबो सासे महर गोसा सिखोला; फसाया नंड फसायफ्लांबाय आंनि जावलिना गोसोआबो । गोजावनांबाय आं नोंनि महरावनो रायखोमा जानांबाय आं ; सुबुंजों हिनजावनि फागोला बखि जानांबाय आं लामा-सामा । दोहो-दोहो खामगिल लांडो आंनि सोलेरा दुखुनि मोदैजों लोमसाव फैयो; जेबोला नोंनि हायना गोनं महरखौ गोसोखांडो हाया आं नोंखौ बावनो हाया । नोंनि मिनिनाय नोंनि रायज्जायनाय दिनै नुयै गामोनबो नुयैनो; गोसो थोफ्लांबाय आं नोंखौ सना नों मानि-दामानि । नाथाय नागिरै-नागिरै मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आंनि गोसोजों हास्थायनाया । बेयो आं अराय सम नोंनि गुरै रावनि फिन्नाय सना; आंनि गेग्रेब देरानि दरखांआव ।

श्रीराम नाथ बसुमतारी
जिल्ला-चिरां बि टि ए डि,

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोबोंआव हाजासे, गोथार मिजिं लानानै दोनहरदोंमोन, दिनै आंखौ टावन-सह'राव , स्कुल, कलेज फरायनो । बुरलु बुरला खालामनानै गावसोरनि बिखानि थैखौ दै खालामनानै, हरदोंमोन रोजा रोजा रं गावनि फिसानि नांगौ बादियै । नाथाय दिनै मोनथिया हसिया, सह'रनि गुदुं बारजों बारफानानै गावनि सान्नाय हनायखौ सोलायबाय, बिफा-बिमामि मान-इजोदखौ बावगारबाय । लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैथै । सानफ्रोमबो सह'रनि ग'लायावल', जौ, सिगारेट आरो थांखु सोबै -सोबै समखौ आं बारहोदोंमोन । गावनि जौमोननि हाबिलासखौ सानहरनो सम आरो बोथोरआवो गैला आंहा, खालिबोल' नांगौ -नांगौ-नांगौ जौ, जुवा आरो सिगारेट । गिनाय, लाजिनायआबो गोमा जोबबाय, लामा सामा सिखला सासेबो बारग'लिया.... हाय ! आं मादि मावफोनांखो.... थायैनो जाबाय आंबो सासे दुथामि ।

मुस्रि प्रफुल्ल नार्जारी
ला.सो: - दतमा

नोंनि अन्नायाव

फैबाय जों सिमां मुलुगाव नुगोन माब्ला मोगथां जिउआव जारिमिन जौनि मोनसेयैनो हाबिला जौनि खौसेयैनो गोरोबबाय जरासे गोसो हे गसाइ नोंनि अन्नायाव । सारा मुलुगा उन्दुनाय हरावबो नाथाय..... उन्दुवा मानो जौनि थाइब्रै मेगन खोमसि हरनि अखाफोरनि गोजों महराव सुजुयो आं नोंनि अन्नायाव । सानबोलाउरियाव गब'ना खोमसि हराव सिखारना मानो रुजुनो जौंलाय बिबान बिबाननि गोथार बान्था । गोसोनि दुंबुद हाबिला जाफुगोन ना जौनि हे गसाय नोंनि अन्नायाव ? सिमांनि सैनाय बेसेबांदि गोमोनाय दुंबुद बिखानि फिथिखा बेखेवना फोरमायो नों लाफासयख' दावनि गारांजों सिमावआवनो रजे लुफावबाय नों अन्नायनि गोदै बिदैखौ रानखांनाय गोरबोनि अमृतखौ हे गसाइ नोंनि अन्नायाव

बिकेस नार्जारी
गामि:- लांदांपारा
जिल्ला:- कक्राझार

बुहुम मिथिंगा (चनेट)

बुहुम मिथिंगानि बायदि मैया बिफां-लाइफांफोरादि बारजों बेसेबांबा मोजां मोजां रंजायो बेसे समायना बेसे रमायना बे बुहुम मिथिंगायालाय सारि रि बिफां-लाइफां फारि फारि न'-बां राइजो जाबायदों आइ-आफा आबै-आबौ मोनहा मिनि रंजा बाजा बुहुम मिथिंगानि सायाव बेसे समायना, बेसे रमायना, बेसे गोजोनथाव, बुहुम मिथिंगानि महरालाइ आय बे संसारालाइ ।

राना प्रताव सिंह बहम
गामि: बंसिगाव (दतमा)
जिल्ला: कक्राझार ।

गोमोर लांबाय

जिउनि थिनानै दोन्नाय बिबारा बे बुहुमनिफ्राय गोमोर लांबाय, गैलिया, बियो थारैनो आंनि सेराव गैलिया जालांबाय आंनिफ्राय बेसेबांबा गोजान । बेसेदि समायना महरमोन नोंनि रायज्जायनाय दाव मैनानि गारांमोन नोंनि सिबिसुलि अन्सुलि महरनि रानिमोन नों मिथिंगाजों गोरोबना थाप्रा आइजोमोन । गोसो खाडो दाबो नोंनि रेरुब महरखौ बावगार लांबाय, थारैनो बावगार लांबाय, नों आंखौ बे संसाराव, सानखांयासै नों आंनि फार्से । गोसोआव दुखु हांमा होनानै मेगनाव मोदै बोहैलांहाबाय जालांबाय नों आंनि गोजान नेनानै थागोन आं अरायबो नोंनि गोथौ रादाय हरनायखौ बावनाय नड, थारैनो बावनाय नड

मुस्रि:- सहनलाल मोसाहारी
गामि: सोनाब बिसमुनि
जिल्ला:- कक्राझार, बिटिसि आसाम ।

दानि सिखलाफोर

बर' हरिनि सिखलाफोर टाउन बाजार होमबाथाइ जेरावबो हायलोब हायलोब गाननाया बिसिनि सुरिदार लंफेन गैया माथो नोंसोरनाव बर' हरिनि गाननाय । बायबाय नामा बायदि मैयानि गाब-गान्नाय दखना; दानाय लुनाय कृष्टि मोसानाय बायदि-आसार खास्थिखौ । गैया नामा नोंसिनि गोसोयाव बर' हरिखौ जौगाखां होनायनि मिजिंक बिबादिब्ला जों बर' राइजोखौ-माब्रै मोननो; फे जों बर' हरिया बयबो खौसै जानि बर' हरिखौ जौगाखां होनायनि मिजिंक बिबादिब्ला जों बर' राइजोखौ-माब्रै मोननो; फे जों बर' हरिया बयबो खौसै जानि बर' हरिखौ जौगाखां होनाइया-जौनि आखाइयावनो दं । दाजासै नोंसोर रावबो एना एनि मालाइ हरिनि आर्थिं सिडव-थाबाय थानायनि सम गैला फेदो फे बयबो ज,ज; सुरदिनि जों आगान गोजों लामाजों ।

मुस्रि गोसोखां बसुमतारी
गामि- मैनागुरी

जिउनि अनजालि

आंनि जिउनि मोदायजो गोबौनि अनजालि मोन जों । गेलेनाय नंडमोन आंनि नोंखौ मोजां मोननाया । दिनै नाथाय मानो ? आंनि गोबौनि गोथार अननायखौ नेवसिनानै नों नंखाय खालामखो ? नडामोन अनजालि बियो दसे समनि थाखाय; अराय समनि थाखायसोमोन । सिमांआवबो सानाखैमोन आं,

नों अनजालिखौ गुबुनजों आनज्राय लांगोन होन्नानै । नाथाय जिने नेवसिबाय नों अनजालिया गोबौनि गोथार अननायखौ । सानदोंमोन आं नों अनजालिखौ जीउनि खालामनो फेमाल नाथाय बे आंनि साननाय । होलांबाय नों अनजालिया गोसोआव हाजासे दुखु गालांबाय नों अनजालिया गोबोंआव जुजायनि अर थांबाय नों..... जिउनि अनजालि ।

मुस्रि दैमा मसाहारी

राइज्योनि फरायसालिफोरआव फोरोंथाय होनायख्रौ लाबोफिनो सोलोंथाय आरो देहा बिफाननि बिबानगिरिफोरजों गिबि मन्थिआ गोनांथारै जथुमदों

(*□ १ बिलाइनिक्राय*) गिबि मन्थ्रनो गुवारै मिथिहोयो । माखासे गोनांथार बिथिडव बेनि गेजेरजों रहा लानायजॅं लोगोसे थाखोफोरनि फोरोंथाय होनायख्रौ फिन जागायजेनफिन्नायनि बिथिडव कभिड-१९ नि थाखाय फोसावनाय गोख्रॅं नेमखान्थिख्रौ मानिनानै खुलिनो थाखाय गिबि मन्थ्र सनवालआ सोलोंथाय बिफानख्रौ बिथोन होयो । थाखोफोरखो फुनि समाव थाबैनो जागायजेन्नो, फरायसाफोरखो मोनै हान्जायै फैनाय आरो थानाय समनि गेजेराव जान्थाय थानो आरो थाखो खथा बायदि बिथिडव गोनांथार रहा लानो थाखाय गिबि मन्थ्रिआ बिथोन होयो । फरायसुला-फरायसुलिफोरनि गोसो गोर्बोंयाव सोलोंथाय होनायख्रौ फिन लाबोफिन्नो थाखाय फोरोंथाय होनायनि गिबि दानयाव बिसोरनो मोजां रहा आरो माखासे थुलुंगाखांथाव बाश्रानि आदव बाहायनानै फोरोंथाय होनो आरो कभिड-१९ नि सायाव सांग्रांथि होनायनि थाखायबो बिफानख्रौ रहा लानो बिथोन होयो । फरायसुला-फरायसुलिफोरखौ फरयनाय बिथिडव गोसो थुलुंगाखां होनो थाखाय जायगानि कभिड सेन्टर, प्त्ताजामा मिरु बायदि जायगासिम हंखायनानै बरायनायनि रहा लानो थाखायबो फोसावो । बे गोनां सावरायनायाव गिबि मन्थ्रिआ बुडोदि, करनानि गिथावनायै गोसासनाय थासारियानो जॅनि गेजेराव साफ्रोमखौबो सांग्रांथि खालामबाय । बे थासारिखौ खाबु लानानै फरायसुला-फरायसुलिफोरनि गेजेरजों साखोन-सिखोन थानाय आयदानि सायाव समाजखौ सांग्रां खालामनायनि फारसेबो सोलोंथाय बिफानआ गोनांथार रहा लानांगोन । फरायसाफोरनि बेरामखौ होवथानाय गोहोखौ बारयहोनायनि थाखाय बिसोरखौ आइरु थनाय जाग्रा बेसाद जगायथाय होनाय, थि समावनो यगा खालामनाय हुदाखौ फोरोंथाय होनाय आरो थि समाव देहा आन्जाव खालामनायनि रहा खालामना होनो सोलोंथाय बिफानखौ बिथोन होयो । फारसेथि फरायसालिफोराव फसंनाय कभिड केयार सेन्टरफोरखौ थाबैनो बोखारनो आरो जायचि जाया हरखाब थासारिनि थाखाय गंग्रोमबो फरायसालिफोरजों लोगोसे गंपा-गंपा देहा मिरु फसंनायनि रहा लानो थाखायबो दिनैनै बे गोनां जथुमनायाव बाहगो लानाय देहा बिफाननि बिबानगिरि आरो कर्मसारिफोरखौ बिथोन होयो । फैगौ समाव थासारिखौ नोजोर होनानै सोलोंथाय होनायनि खान्थिख्रौ गोदान आदवजॅं लोगोसे डिजिटेल बिजॉनि गेजेरजों फोरोंथाय होनायनि थंखि लानानै अनलाइननि गेजेरजों फोरोंथाय होनो हानाय बायदि स्मार्ट फन गैथै गोरिब सिमानि गाहायाव थानाय दिथागिरिफोरनो बे खाबुखौ होनो थाखायबो सोलोंथाय बिफानख्रौ गिबि मन्थ्रिआ बिथोन होदों । मख 'नो गोनांदि, सोलोंथाय बिफानआ थियारि खालामनाय हाबाफारि बायदियै फैगौ २ नभेम्बरनिफ्राय राइज्योनि फरायसालिफोरनि थाखो ६ नि गोजौयाव थनाय फरायसुला-फरायसुलिफोरनि थाखाय फोरोंथाय होनायख्रौ जागायजेनगोन । थाखो ६, ७, ९,आरो १२ थाखोनि फोरोंथाय होनायख्रौ सप्ताहनि समबार, बुधबार आरो शुक्रबारखालि खुंनायनि अनगाथैबो थाखो ८, १० आरो ११ थाखोनि फोरोंथाय होनायख्रौ मंगलबार, बृहस्पतिबार आरो शनिबारखालि खुंनाय जागोन । बे रोखोमैनो डिग्री थाखोनि गिबि, ३ आरो ५ थि सेंमिटरनि फोरोंथाय होनायख्रौ सप्ताहयाव खेबनै, खेबथाम आरो खेबख्रेसिम खुंनो थांखि लानाय जादों । फोरोंथाय होनायख्रौ मोनै खोलोबयाव लानाय जागोन आरो मोनफ्रोमबो खथायावनो सा २५ फरायसुला-फरायसुलिफोराल 'सो थानो हागोन । थाखोफोरनि फोरोंथाय होनाया जागायजेनानयनि सिगां साफ्रोमबो फोरोंगिरि-कर्मसारि, सान्जौफु जाग्रा आदार जगायथायनि मावफारियाफोर कभिड टेस्ट खालामनाया गोनांथार जागोन । लोगोसे हस्टेलफोर फैगौ माखासे समसिम बन्द' थागोन । स्कुल बासनि राहा दडब्लाबो कभिडनि फोसावनाय नेमखान्थिफोरखौ फालिनानयनि उनावसो सोलिनो हागोन । बेफोर फोसावनाय नेमखान्थिनि गेजेरजोंसो सर्कारि आरो गाब्रआरि सोलोंथाय फसंथानआ फरायसालिफोरखौ खुलिनो हागोन । फरायसुला-फरायसुलिफोरनि गेजेराव कभिड सन्देरानयनि सायाव जायखि-जाया थासारिनि थाखाय जिल्ला खुंगिरिखौ सांग्रां थानो बुंनायजॅं लोगोसे गुबुन गुबुन टाक्स परस, इमारजेन्सि सार्थिस हान्जा आरो टल फ्रि नम्बरआ गेवलाडै थानांगोन आरो बेनि सायाव फोसावदिनानै राइजो-रजाफोरखौ मिथिहोनो गिबि मन्थ्रिआ सोलोंथाय आरो देहा बिफानखौ बिथोन होयो । गुबुन फारसेथि राइज्योनि मुलुग सोलोंसालिफोरनि फोरोंथाय होनाया जागायजेनानयनि सोमोन्दोयाव नेमखान्थि आजवाना लानो एबा थियारि खालामनायनि थाखाय मुलुग सोलोंसालिमानि थ्रासु चेसेलेरफोरजॅं थाबैनो सावरायनाय जागोन होन्नानै गिबि मन्थ्रि सबानन्द सनवालआ सोलोंथाय बिफाननिंसिम मिथि होयो । दिनैनै बे गोनां जथुमनाय मेलआव गिबि मन्थ्रनि मिडिया बोसोनगिरि ऋसिकेश गस्वामि, गिबि मन्थ्रिनि आइन बोसोनगिरि सन्तानु बरालि, गिबि मन्थ्रनि उफ्रा चिफ सेक्रेटारि पबन कुमार बरटाकुर, देहा बिफाननि चिफ सेक्रेटारि समिर कुमार सिंह,, सोलोंथाय बिफाननि चिफ सेक्रेटारि बि कल्यान चक्रवर्ती आरो गुबुन गुबुन बिफाननि गोजौ थाखोनि बिबानगिरिफोरबो बाहगो लार्दोंमोन ।□

३५ नं मुदैबारि बियाबयाव राइजो-रजाफोरा गेनाखान्थि नुजाथिनायनि अजद खालामदों

(*□ १ बिलाइनिक्राय*) दैदेनगिरि एबा थान्दैआनो जुदि, राइजो-रजानि थाखाय जौगानायनि जेबो सान्नाय होय गैयाब्ला बे बियाबयाव मा जौगानो होन्नानै सोंथि खालामदों । १७ बोसोर नाडै बिपिएफ दोलौनि हाग्रामा महिलारिनि दैदेन्नाय बिटिसि सरकार सिगां समाव राइजो-रजाफोरनि थाखाय गोबां जौगानायनि बाश्राफोरखौ फोरमायबोदोंमोनब्लाबो नाथाय बियाबनि सिडव राइजो-रजानि फारसे जेबो जागाखाडइखै । अदेबानि ओन्सोलनि राइजो-रजाफोर गेनाखान्थिल' सोलिदों होन्नानै अजद खालामदों । ३५ नं मुदैबारि बियाबयाव जुदि, सिबिआइ सदा्नोब्ला मोनफ्रोमबो गेनाखान्थिनि फिथाइआ सोराडव फैगोन । बबेखानि हाग्रामा महिलारिया जुदि बियाबयाव बेसेबां जौगार्दों-जौगायाखै बेनि सायाव गावनो नायबिजिरोब्ला बियाबनि जौगानाय आरो फेलें जानायनि फारसे आबुडै मिथिनो मोनगोन । बे बियाबनि सिडव लामा-दालां, पिएमएवाइ, एमजिएनरेगा, गोगो दै लौनाय, दे जगायथाय, देहा, सोलोंथाय बायदि बिफाननि सिबिथाय होनाया राइजो-रजाफोरनि थाखाय फेलें जादों । जायनि थाखाय ओन्सोलनि एबा बियाबनि राइजो-रजाफोरा ओन्सोलनि जौगाखाडैखौ लानानै थॉजेडै हाग्रामा महिलारि दैदेन्नाय खुंथायाव गेनाखान्थिल' सोलिदों होन्नानै अजद खालामो । कलाइगाव जौगाखां खोन्दोनि नापतिपार भिसिडिसिनि सिडव हाबिबाड गामियाव २०१७-१८ बोसोरनि सिडि फान्डनि खामानि मावनानै जायगानि थिकादार नुरु इस्लामआ रंखों बेले-बेजे खालामनायाव हान्था-मैला खालामनायनि फारसे खस्थ मोन्ंनाय फरायसालि-फरायसालिमानि फरायसाफोरा गोख्रॅं खुदिखांनाय फोरमायदों । मख 'नो गोनांदि, कलाइगाव-तानि पिडब्लिउडि फोनांजाब बे लामाखौ थिकादारा २१३ ट्राक बाला-अन्थाय गारनानै खामानिखौ फोजोबनायनि उनावनो लामानि थासारिया दासान्दि जोबोर गाज्रियाव दं । बे लामाजों हान्था-मैला खालामनो थानायाव सम-सम गामिनि सुबुफोरा बेशमि लांनायाव बायदिसिना जेंनाजों मोगा-मोगि जानांदों । बाररा' मावफुं सोद्रोमा जगदिस सरकार गिबि ५ बोसोर टिसिएल्सिसिनि मासिगिरि बिबानख्रौ सामलायदोंमोन । बेनि उनाव २ थि ५ बोसोर एमसिएलए आरो ३ थि ५ बोसोराव मावफुं सोद्रोमा जानानै १५ बोसोराव बिथाड बियाबयाव मा जौगानायनि खामानि मावदों बेनि सायाव सोंथि खालामनानै राइजो-रजाफोरा खुंदिखांनाय फोरमायदों ।□

सालबारियाव इउपिपिएलनि दैदेनगिरि, मावफारियाफोरा हान्जा सुरदों

(*□ १ बिलाइनिक्राय*) हान्जा सुरनायखौ दिनै फुंनि ९.०० रिगानिक्राय जागायजेन्नाय हाबाफारिखौ बेखेवनानै होयो इउपिपिएल दोलौनि मिरु आफादनि नेहाथारि मयनुल आलि आरो सालबारि बियाबनि बिजाथि बिनद मुसाहारिया । हान्जा सुरनायखौ बेखेवना होनायनि बिबुंथियाव मयनुल आलिया बुडोदि, बिटिसियाव थॉनाय १७ बोसोराव हाग्रामा महिलारिया दैदेन्नाय बिपिएफ दोलो एबा सरकारनि समाव गोबां गेनाखाथि सोलिदों आरो बे गेनाखान्थिजॅं लोब्बा थानाय दोलोखौ नागारनायनि एबा सोलायनायनि थांखिजॅं मोनफ्रोमबो हारि-हारिसानि सुबुंफोरा फैगौ बिसायख 'थियाव इउपिपिएल दोलोखौ आबुं हेफाजाब होगोन । बेनिखायनो फैगौ बिसायख 'थियाव इउपिपिएल दोलोआ सरकार दाफुंगोना रोखा होन्नानै बुडो। लोगोसे सोलायनायनि थांखिजॅं ओन्सोलनि गोबां राइजो-रजाफोरा दोलौनि हान्जा सुरनाय हाबाफारियाव बाहगो लार्दों होन्नानैबो बुडो । बिटिआरआव हाग्रामा महिलारिनि दैदेन्नाय बिपिएफ दोलौनि १७ बोसोर खुंथायाव सोलिनाय गेनाखान्थिनि सायाव गोख्रॅं नोजोर लाखिनानै इउपिपिएल दोलोआ फैगौ समाव उदां गेनाखान्थि सरकार दागोन होन्नानैबो बुडो । मख 'नो गोनांदि, इउपिपिएल दोलौनि दैदेनगिरि, मावफारियाफोरा सालबारि, रूपधि, माधबपुर, धारामारा, पालसिगुरि, राजाबिल, बामुनकाल, करैबारि, मदनगुरि, दावखिजान, दुडालागा, खान्थालगुरि, आवहाथा, उदियागुरि, कमलाबारि बायदि ओन्सोलाव हान्जा सुरनाय जायो । बे हान्जा सुरनायनि गेजेरजों बाहगो लानाय दैदेनगिरि आरो मावफारियाफोरा गुबुन गुबुन बाश्राजों स्त 'गान होननै बिपिएफनि हेंथाये राइजो-रजाफोरखौ गोख्रॅं फिन्नाय होनाय आरो सोलायनाय लाबोनो फोसावो । इउपिपिएलनि मिरु दैदेनगिरि कनक चन्द्र बर' बिउति बसुमतारि, सदोरा बादसा, गपाल दास, जितेन कलिता, बिजाथि बिनद मुसाहारि मोनहा दोलौनि हान्जा सुरनायाव बाहगो लार्दोंमोन ।□

मिरु नख 'र बिफानआ आनलक-५ नि गोदान गाइडलाइन फोसावबाय

(*□ १ बिलाइनिक्राय*) दाबसे राइज्योसिम जायखि-जाया रोखोमनि मुबा-बेसाद लांलाय-लाबोनाय खालामनाय आरो सुबुंफेरनि थालाय-फैलायखौ होबथानाय नड। बेनि थाखाय जायखि-जाया रोखोमनि जर 'खा गनायर्थिनिबो गोनांथि जानाय नड। बेजों लोगोसे कन्टेम्नेन जनफोराव लकडाउनआ ३० नभेम्बरसिम सोलिबाय थागोन । दिनै मंगलबारखालि फोसावनाय गाइडलाइन बादियै हादतनाडै सावथुन न 'थुंफोरखौ फिन बेखेवफिन्नायनि गनायथि होनाय जागोन । नाथाय गलेगिरिफोरनि फोरोंथाय एबा प्रेक्टिसनि थाखाय सुईमं फुलखौ ३० नभेम्बरसिम होबथानाय जागोन । मिरु सोलोंथाय फसंथानफोरखौबो बेखेवफिन्नो गनार्यथि होदोंब्लाबो नाथाय बे आयदानि सायाव राइज्यो सरकारफोरनो जोबथा थिरांथा लानो थाखाय हगारनाय जादों ।□

गोसोखां नलित बर' सोंगाब बादायलायनायनि देरहागिरिफोरनि

(*□ १ बिलाइनिक्राय*) बान्जायनाय जादोंमोन । बे सोंगाब बादायलायनायाव देरहासार जानो हानायफोरनि मुंखौ दिनै फोसावनाय जाबाय । बे बादायलायनायाव साबसिन थार फिन्नायखौ हरनो हानायनि थाखाय देरहासार महदै सायख 'जायो बाक्सा जिल्लानि मदन नाजारि आरो उदालगुरि जिल्लानि निजोम बर'आ । बे बादायलायनायाव देरहागिरिफोरनिसिम गाहाम हामब्लायनायखौ जासिहरनायजों लोगोसे बादायलायनायाव बाहागो लानाय गासै बादायगिरिफोरनिसिमबो खन्थाइ बिबार हान्जानि जानानै गाहाय सामलायगिरि दिपेन चन्द्र बर'आ साबायखर जासिहरो ।□

राइज्यो सरकारनि जरखा बान्जायनायाव दिनैनिक्राय २ नभेम्बरसिम सांग्रांथि

(*□ १ बिलाइनिक्राय*) समायखिर लानायखौ फरायथियो सेक्रेटरियेटनि खुंथाय बिफाननि सामलायगिरि एमएस मनिबधनआ । गुस लानाड, गोग्गो, बिबान लानानै सरकारि खामानि दामानियाव हेफाजाब होनानै हादतनि जौगानायाव गोनांथार हेफाजाब होनायनि थांखिजॅं दिनै सांग्रांथिनि थाखाय मोनसे समायथिरा लानाय हाबाफारिखौ जागायजेनबाय । हाबाफारियाव आसाम सरकारनि उफ्रा चिफ सेक्रेटारि पबन बरटाकुर, बिफाननि सामलायगिरि प्रितम सइकिया, सेक्रेटारि भारतभुषन देब चौधुरी, खुंथाय बिफाननि सेक्रेटारि मजनुर हुसेन आरो सेक्रेटरियेटनि माखासे गोजौ थाखोनि बिबानगिरिफोरबो बाहगो लार्दोंमोन ।□

सत्रधिकार देवेन्द्र नाथ महन्तनि रुंसारि जानायखौ गिबि मन्थ्रिआ दुखु फोरमायदों

(*□ १ बिलाइनिक्राय*) सुबुंफोरनि गेजेराव गोसोखांजागोन । श्री श्री सिपहा सत्रनि सत्रधिकार महै सत्रिया हरिसुखो फोसावदिनाय बिथिडव बिथाड थोजासे गोनांथार बिफाव लाबोनो हार्दोंमोन । कलियाबर गोजौसिम फरायसालिनि गोरायुं महै माखासे बोसोरसिम बिबान लानानै ओन्सोलनि सोलोंथाय लानाय आबहावाखौ साबसिन खालामनायाव बिथाड गोनां बिफाव लानो हार्दों ।९० बोसोर बैसोनि रुंसारि देवेन्द्र नाथ महन्तनि रुंसारि जानाया राइज्योनि थाखाय मोनसे सुफुंख' हाथै ख 'हा होन्नानैबो गिबि मन्थ्रिआ बुडो । गिबि मन्थ्रिआ विथांनि बिदाय जिउमानि थाखाय इसोरनि खाथियाव आर'ज खालामनायनि अनगाथैबो दुखुथिया नख 'रसिम दुखु मोन्नायखौ फोरमाय हरदों ।□

बोर्मा खुग़ा
(दसेनि थाखाय)
(राखावसिआ लावगानि बिसि । राखावसिआ लावगाखौ राज मेलानिक्राय जेबो जाग्रा लाबोआखै सन्नानै सिखारग्रोन सिखारग्रा फुडव दर बुयै-बुयै फोजायो । लावगाया जेव्ला बाहेराव आंखार बोयो अब्ला.....)
राखावसि- बोरो फाफि, लाबोद' मेथाय बिहरनाया जानां सिगौं । जुलापिफ्रा थानदासो जालाय लांबाय बेयो । लावगा- मा मेथाय ब्रा ? बबे फैसाजों जुलापि लाबो नांगौ आंलाय ? राखावसि- मा फैसाहाय १०० रं लांनायखौ मा-मा खालाम जोबहैखौ हाय ? लावगा- हा १०० रंखौ आंसो जानांगौ ना नोंनोसो लाबोनांगौ ना सुमुतिनोसो जाहोनांगौ आं ? राखावसि- सोर सुमुति बेलाय ? सोरनि फिसाजो ? लावगा- रावनिबो फिसा नडल्लै । आंनि गोदोनि क्लास फ्रेन्ड सो । राखावसि- क्लास फ्रेन्ड मालाय बोराय लायनायाव बिखौसो मेथाय जाहोनांगौ जाबाय, हा मालाय फिसाय आनो जाहोंगौमोन । लावगा- अबाव फिसाय जाहोनो ब्रा हाबायानोबा जायखै । राखावसि- हाबा जायाखै ? अह ! होमब्ला नों बिखौबो गोसो थोयो । नडबा मेथाय जाहोनाय नडमोन नों । लावगा- फाग्लायबोलै सिमांआनो । राखावसि- सिमां ? मा सिमां ? लावगा- माबालै आगै सना नोंनो आं दा जाखिनि खिन्थादों बेफोर सिमांआवबो नोंखौ बिदि सॉनायाव बिदिनो खिन्थानाय नुदोंमोन आं, ओंखायनो बिन्दिनो खिन्था फ्लांबाय । निमाहा होदोलै आगै निमाहा..... । राखावसि- नंखाय बुडखैथ ? लावगा- ओहोलै आगै सयथि आं थगाय थाराखै, नंखाय नंदोंब्ला बै जलंगायाव नायब्लानो जाबाय, नोंनो आं मा मा लाबोदों । राखावसि- मा मा लाबोदोंसै ? लावगा- जुलापि, बोव्सा खि, खान्छि खि आरो रस गरला । राखावसि- (खुसियै थाबैनो गोबा खबनानै) आदा How Much I Love You दे सानैजों रन्नानै जानोसै ।

मुघ़ि मिथुनलाल बसुमतारी काकरगाव, चिरां ।

चिरां जिल्ला गुदि सोलोंथाय बिबानगिरि मावख 'याव पुजानि बन्द 'आनो जोबाखै

(*□ १ बिलाइनिक्राय*) फोसावनाय जादोंमोनब्लाबो २६ अक्टनि उनावबो जिल्लानि गंग्रोमबो मावख 'फोरा गेवलाडै थानायनि अनगाथैबो बेबायदि सनाव जिल्ला गुदि सोलोंथाय मावख 'आ थाला बन्द' जानानै थानायखौसो नुनो मोन्दों । गुबुन गुबुन जायगानिक्राय फोरोंगिरि आरो बिफाननि गुबुन गुबुन कर्मसारि फैनानै थाला बन्द' जानायखौ नुनानै गिदिलांफिन्नो गोनां जादों ।

जिल्ला गुदि सोलोंथाय बिबानगिरि हिरालाल बराया गावनो दिनैनै सनाव मावख 'याव सहैयाखिसै । बेजों लोगोसे फरायसालिनि लेडइ नायसंगिरियाबो मावख 'याव सफैयाखै । नाथाय रगबो सासेबो बिबानगिरि, कर्मसारिफोरनि दिनैनै सनाव मावख 'याव सफेनो हाथैनि जाहोनखौ दासिम मिथिनो हायाखै जाहोनाव जिल्ला गुदि सोलोंथाय बिबानगिरि हिरालाल बराजों फोनांजाब खालामनो नाजार्दोंमोनब्लाबो फोनांजाबनो हायाखिसै । चिरां जिल्ला खुंगिरि गौटम तालुकदारनि सायाव बे आयदानि सायाव मिथिहोनानै खुंगिरिया बुडोदि, बेनि सायाव राहा लानाय जागोन । बिटिसि गुदि सोलोंथाय बिफाननि बिथोनगिरि जगदिस ब्रहमजों बे आयदानि सायाव फोनांजाब खालामनायाव बिबानगिरिया बुडोदि, दिनैनै सनाव मावख 'या गेवलाडैनो दडमोन । नाथाय बे बिथिडाव चिरां जिल्ला गुदि सोलोंथाय बिबानगिरिनि मावख 'आ मा जाहोननि थाखाय आबुडै बन्द' थाखो बेनि सायाव बुजिनो हायाखै आरो बिसोरनि सायाव मा बायदि राहा लागोन बेनि सायाव फैगौ समासो फोरमायगोन ।□

बागसायाव बिटिसि बिसायख 'थिनि फोसावदिंनाया गोखोडै सोलिगासिनो

(*□ १ बिलाइनिक्राय*) बियाबनि इउपिपिएल दोलौनि बिजाथि खातिराम बर'आ माखासे हेफाजाबगिरिफोरखौ लोगोयाव लानानै दिनै बियाबनि बागानपारा ओन्सोलाव मोनसे हान्जा सुरनाय हाबाफारिखौ खुंनानै गावनि गोहोखौ दिन्थिफुंनो नाजयो । बियाबनि बागानपायायव थानाय मावख 'निक्राय थुपलिया जानानै गेरुवासिम जागायजेन्नाय बे लामा हान्जा सुरनाया गासै ८ कि:मि: जान्थायसिम बारलॉनानै राइजो-रजाफोरखौ बिसायख 'थिनि सोमोन्दोयाव सांग्रां खालामो । बे बियाबखौ बिपिएफनि दखलाव थानायनि उनाव बे खेबाव खातिराम बर'आ उदां खालामदों होन्नानै दाबि खालामो । राइजो-रजाफोरा बे खेबाव बिपिएफनि दखलाव थानाय बियाबखौ इउपिपिएलनि आखायाव गथायगोन होन्नानै बुंथियो इउपिपिएल दोलौनि बिजाथि खातिराम बर'आ । लोगोसे बागानपारा बियाबयाव गावनि देरहागोनखौ दाबिदार खालामबाबो बिजाथि बर'आ ।□

एबसुनि बान्जायनायाव बि टि आर गोरोबथा, बि के डब्लिउ ए सि आरो फरेस्ट डुयेलार्स एक्ट, २००६ नि सायाव नगाव जिल्लानि मेलेमजिबिफोरखौ लानानै सावराय मेल

(*□ १ बिलाइनिक्राय*) बि टि आर गोरोबथानि दफाफोरखौ मावफुंनाय, बि के डब्लिउ ए सि, ट्राइबेल बेल्ट एन्ड ब्लक फरेस्ट डुयेलार्स एक्ट, २००६ नि सायाव नगाव जिल्लानि सिडव थानाय कमरपारा कछरिगाव गुदि फरायसालिनि लांगोनायाव जिल्लानि गोबां मेलेमजिबिफोरखौ लानानै मोनसे सावराय मेल खुंनाय जादों । बे सावराय मेलनि गेवलां मेलखौ बेखेववानै होयो नगाव जिल्ला एबसुनि बोसोनगिरि कंसन खुंगुर महिलारिआ आरो हाबाफारियाव गाहाय आलासि महदै बाहागो लाथो दुलाराय बर' फरायासा आफादनि आफादगिरि दिपेन बर'आ । गाहाय आलासि महदै बाहागो लानानै एबसुनि आफादगिरि दिपेन बर'आ गावनि बिबुंथि लाखिनाय समाव सिगांग्रोथै थानाय गोबाव बोसोर समाव बर' हारिनि रेखाथि, खौसेथि, सिनायथि आरो थामोन्थानि थाखाय आलादा राइज्योनि सोमावसारनायाव अराय सम एबसुखौ हेफाजाब खालामबोनाय साफ्रोमबो राइजो-राजाफोरनिंसिम साबायखर बाउग्रोयो । लोगोसे बिथाड बुडोदि, बि टि आर गोरोबथाखौ बोहेंथि बोसोर २०२० नि थानाय २७ जानुवारीखालि एबसु, एन डि एफ बिन मोनब्रै हान्जा, इउ बि पि अ'आ आसाम सरकार आरो भारत सरकारजों जाय थांखिखौ लानानै खालामनाय जादोंमोन बे थारिखिनिक्राय इयुनाव माब्लाबाबो दोरोदनाय नड। बावैसो सान सिगानिक्राय दिनैसिम बि टि आर गोरोबथानि गासै दफाफोरनि गेजेराव मोन ६ निर्यूड बांसिन दफाफोरखौ मावफुंनायजों लोगोसे बि के डब्लिउ ए सिखौ थानाय ७ अक्टबरखालि आसाम सरकारआ केबिनेटनि गेजेरजों पास खालामनानै होनायनि थाखाय दिपेन बर'आ आसाम सरकारनिंसिम साबायखर जासियो । बि टि आर गोरोबथानि ६.३ दफायाव मख 'नाय बादियै बि टि आरनि बाइजोयाव थानाय बर' आरो ट्राइबेल हारिनि सुबुंफोरनो भारत संबिजितनि फरेस्ट डुयेलार्स एक्ट, २००६ नि जोहै गंग्रोमबो हा गैथै नख 'फोरनो हा मोन्थानयनि राहा खालामनानै होनायजों लोगोसे आसामनि गेजेराव थानाय ट्राइबेल बेल्ट एन्ड ब्लकखौबो नोजोर होगोन होन्नानै एबसुनि आफादगिरि दिपेन बर'आ गावनि बिबुंथियाव फोरमायो । बे गेवलां मेलआव नगाव जिल्ला एबसुनि बेन्दोडव थानाय सा ४०० नि बांसिन राइजो-राजाफोरा बाहागो लाफैनायजों लोगोसे ओन्सोलाव थानाय बर'जों लोगोसे गुबुन गुबुन हारि-माहारिनि मेलेमजिबिफोरनि बाहागो लानायजों हाबाफारिया मेहेर गोनाडै जाफुंसार महदै जोबलाडो । एरैहाय मरिगाव जिल्लायावबो मरिगाव जिल्ला एबसुनि बान्जायनाय आरो आफादगिरि बकुल ब्रहमनि मासि लानानै दैदेन्नायाव गोजौयाव मख 'नाय बे एखे आयदाफोरनि सायाव दिनै जिल्लानि गोबां मेलेमजिबिफोरखौ लानानै सावराय मेल खुंनाय जादों । दिनैनै बे सावराय मेल हाबाफारियावनो मिरु एबसुनिक्राय सोलोंथाय नेहाथारि कास्टम बसुमतारि, थुनलाइयारि नेहाथारि दिनेश ब्रह्म, रंखान्थि नेहाथारि चरन्जय ब्रह्म, गेलेमु नेहाथारि गणेश बसुमतारि, सुबुं फोनांजाब बिरदाव बर', लोगो सोलोंथाय नेहाथारि अबित नाजारि, लोगो थुनलाइयारि नेहाथारि समित नाजारिमोनहाबो बाहागो लाफार्दोंमोन ।□

१४ नं चिरां दुवार ब्लक इउ पि पि एलनि बान्जायनायाव साइकेल रेलि खालामदों

(*□ १ बिलाइनिक्राय*) थागिबि गासै हारि-हारिसाफोरनि सुबुंफोरनि गेजेराव अरायथा महरै गोजोन, खौसेथि आरो रेखाथिनि आबहावा गायसनायजों लोगोसे गासै बिथिडव जौगानाय लाबोगोन । बिथाड खौरंगिरिनि सिगाडव बुंबाबोदि, जाय हालामाव, जाय हारियाव आरो जाय राइज्योयाव सोलोंथाय गैया बे हालामाव जौगानो हाया । बेबादिनो १४ नं चिरां दुवार बियाबनि सिडव थानाय गासै ओन्सोलफोरानो सोलोंथाय बिथिडव गोर्लैसोानानै दड। बेनिखायनो इउ पि पि एलनि गुबै थांखिया सोलोंथाय, आबाद, देहाखौ लाफानानै गासै बिथिडव जौगाखांहोनायजों लोगोसे गोग्गो सुबुं समाज दाफुंनो थांखि लार्दों होन्नानै इउ पि पि एलनि बिजाथि रन्जत बसुमतारिआ फोरमायथियो । दिनैनै बे साइकेल रेलि खालामनायाव बियाबनि सिडव थानाय गोबां राइजो-राजाफोरा बाहागो लाफार्दोंमोन आरो बे हान्जा सुरनाया फैगौ ५ नभेम्बराव थुंगेहोगोन ।□

बरमायाव राइज्योफोरनि थाखाय बेखेवनानै होबाय 'दा फिस डाइभारसिटि एन्ड हेरिटेज मिउजियाम'

(*□ १ बिलाइनिक्राय*) फरायसुलिफोरखौ सोलोंथाय होनायनि जोबथा समसिम शर्माया बुधुमनो हार्दोंमोन गुबुन गुबुन रोखोमनि ना । उनाव लाइमोन फरायसुला-फरायसुलिफोरखौ नानि सायाव मिथिनो हानायनि थाखाय गावनि नाजाथाबनाय, रंजों बागसा जिल्लानि गावनि जुलुकिनि न 'याव 'दा फिस डाइभारसिटि एन्ड हेरिटेस मिउजियामखौ गाइसन्नानै बेखेवनो हाबाय । मख 'जाथावदि, राइज्योनि गेजेरावनो गिबियै गावआरि मिउजियाम महरै मिथिसार जानाय बे मिउजियामआव गासै २४० गुबुन गुबुन रोखोमनि नाफोर दं । सोलोंथाय लानाय जिउयाव सदियानिक्राय थुबुरेसिम गुबुन गुबुन दैमानिक्राय नाफोरखौ बुधुमनानै आजि्र मोन्नाय बिबुंगोरगया गावनि मिउजियामआव दोन्थुमदोंमोन । मिउजियामआव दं गुबुन गुबुन हादतयाव मोन्नाय गुबुन गुबुन नाफोर । नायबिजिरसंनायनि थाखाय समायनानै साजायनानै दिहुनो हानाय बे मिउजिमायाव नायबिजिरसंगिरि फरायसुला-फरायसुलिफोरा थोजासे गियान लानो हागोन होन्नानै दिनै गागि नायबिजिरसंगिरिनि ७५ थि जोनोम सानाव राइजो-राजा आरो फरायसाफोरनि थाखाय बे मिउजियामखौ गोजोन हाबाफारि लानानै बेखेववानै होनाय बिबुंथियाव बेबायदि बाश्राफोरखौ मिथिहोदों शर्माया । दिनै गावनि जोनोम साननि लोब्बाय बेब्रमनि बागसा प्रेस क्लाबनिक्राय उऽ निपेन्द्र नाथ शर्माखौ गावनि थार्रा न'थानवो बरायनाय जायो प्रेस क्लाबनि नेहाथारि भारत राजबंसिया सामलायनार बे हाबाफारियाव आजिरा मोन्नाय गोरायुं उऽ पनिधर टलुकदार, बाररा' फोरोंगिरि सपन कुमार शर्मांमोनहाबो बाहागो लानानै बिथां शर्मानि नांथाव नाजानि गेजेरजों दिहुन्नो हानाय माव बिबाननि सायाव गोनांथारै बिबुंथि लाखियो ।□

एमेजन प्राइमनि हिट सिरिज दा बयजखौ आथिखालाव हिन्दी रावआव नूनो मोनसिगोन

गोदान दिल्ली, 27 अक्ट'बर : हादतनि रावफोराव अटिटि कन्टेन्टि डिमान्डखौ नोजोर होना नै अटिटि प्लेटफर्मआ आथिखालाव हारिमायारि श्व'फोरखौ जायगानि रावफोराव दानस्लायलाय रिलिज खालामदों। गहाय बाश्राया बेदि बेनि थाखाय बियो बलिउडनि मुंदांखा महरफोरखौ डबिं खालामनो थाखाय हाया खालामदों, जाहाथे कन्टेन्टि सुबुं अन्सायनायखौ बैसोर नायगिरिफोरनिमिस सौहैहो नो होयो, जाय आथिखालाव हारिमायारि कन्टेन्टि थाखाय एसेबां थुलुंगाखांथाव नडा।



वेबायदि हाबाफारियाव एमेजन प्राइमआ गावनि सुपार हीर' सिरिज दा बयजखौ हिन्दी, तामिल आरो तेलुगु रावफोराव रिलिज खालामनो थांखि लादों।



आरो दिशा पाटनीखौ सरजाबदों। साथामबो फावगिरिफोरा दा बयजनि गहाय फावगिरिनि थाखाय गावसोरनि गारांखौ होदों। एमेजनआ बेनि खौरांखौ गावनि टुइटर हेन्डे लजों सेयार खालामनानै लिरदों। नोंथांमोननि मोजां मोन्नाय श्व'खौ आथिखालाव हिन्दी, तामिल आरो तेलुगु रावफोराव 28 अक्ट'बरनिफ्राय मोन्नो हागोन। बेजों लोगोसे अर्जुन, राजकुमार आरो दिशानो टेग खालामदों। फार्सेंथिं राजकुमार रावआव गावनो टुइटर खालामनानै बेखौ सोराडाव लाबोदों। बियो लिरदों, आं हमलेन्डर। आं

बेखौनो खालामो जायखौ आं मोजां मोनो। दा बयजनि मोन्नैबो सिजेनफोरखौ हिन्दीआव रंजानायखौ लानो हागोन। दा बयजआ एमेजन प्राइमनि सुपार हीर' सिरिज, जायनि गिबि सिजेनखौ प्राइम भिडियआव 2019 आव स्टीम खालामदोंमोन। सिरिजआव बे मुंजोंनो सोराडाव फैन्याय मोनसे कमिक बुकनि सायाव बिथा खालामनाय। सिरिजखौ एरिक क्रिपकेआ डेभेलाप खालामदों, जेराव सिरिजखौ डेन ट्रेचेनबर्ग, मेट शेकमेन, फिल ग्रिचिया, फ्रेड टये, स्टीफन श्वाटर्जआ बिथोन होदों।

बेबायदि हाबाफारियाव एमेजन प्राइमआ गावनि सुपार हीर' सिरिज दा बयजखौ हिन्दी, तामिल आरो तेलुगु रावफोराव 28 अक्ट'बरनिफ्राय मोन्नो हागोन। बेजों लोगोसे अर्जुन, राजकुमार आरो दिशानो टेग खालामदों। फार्सेंथिं राजकुमार रावआव गावनो टुइटर खालामनानै बेखौ सोराडाव लाबोदों। बियो लिरदों, आं हमलेन्डर। आं

तामिलनाडुनि राजखास्थिआव बिजेपिआ सावथुननि हेफाजाब लागोनखौ फोसावदों

गोदान दिल्ली, 27 अक्ट'बर : सोनाब भारतआव बयनिखुइबो लोरबां राइज्यो तामिलनाडुआव गावसोरनि गोहोखौ बांहो नोजाबाय थानाय बिजेपिआ आथिखालाव सावथुन ग्लेमरनि हेफाजाब लासिगोन। सावथुन फावखुंनि खुशबु सुन्दरनि पार्टिआव

मोनहोनाय। तामिलनाडुआव फेंगो बोसोराव बिधानि सभानि बिसायख'थि जागोन आरो राजखास्थि थासारिया गोबां जेंना गोनां। जयललिता आरो करुणानिधि बायदि बादायारि गैयैआव बे बिसायख'थिआव द्रमुक आरो अन्नाद्रमुकनि गेजेराव गहाय दावहा जागोन,



फैन्याय बेनिनो बाहागो। पार्टिनि बिसायख'थिनि सिगां फावखुंनि कंगना रनतनि मुलाम्फाखौबो लानो हागौ, जायनि जयललितानि सायाव बानायनाय सावथुन थलाइबोआ थाबैनो रिलिज जासिगोन। कंगनानि आखु दिन्थिनाया दासिमआव बिजेपिखौ मुलाम्फा

नाथाय सत्तारुद अन्नाद्रमुकनि थाखाय जेंनाया बांसिन जागोन। करुणानिधिनि फिसाज्ला स्टालिनआ द्रमुकखौ सामलायबाय, नाथाय जयललितानि उनाव अन्नाद्रमुकआव दैदेन्नायखौ लानानै दावराव-दावसिआ सोमजिबोनाय थादों।

प्रियंका चपड़ानि : मिस वर्ल्ड देरहानो हानायाव बिमाया मोनसे रिएक्सन होदोंमोन



गोदान दिल्ली, 27 अक्ट'बर : 2000 आव प्रियंका चपड़या मिस वर्ल्ड जादोंमोन। आथिखालाव प्रियंकाआ बै समनि मख'जाथाव जाथायफोरखौ गोसो खानानै मोनसे भिडियखौ सेयार खालामदों। प्रियंकानि बिमा मथु चपड़याबो बिनि मिस वर्ल्ड जानायनि सानखौ जर'खा महरै गोसो खांदों। प्रियंकाया भिडियखौ सेयार खालामनानै लिरदों मिस वर्ल्ड 2000 आव बै समआव 18 बोसोरनिमोन जेव्हा मिस वर्ल्ड जादोंमोन। जाँसांआव जेव्हा गाव गावनि

बिमा बिफाजों लोगो मोनो अव्हा गावनि बिमाया गावनि स्कुलनि सोलौंथाइ लानाया मा जाबावगोन? होन्ना बुंदोंमोन। भिडियआ मिस वर्ल्डनि टाइटेल्खौ देरहानायनि उनाव प्रियंकाखौ इमेसेनेल' जानाय नूनो मोन्दों आरो बियो रानारआप्सजों गोदोना गोबा लायदों। बेनि उनाव बिखौ मिस वर्ल्डनि क्राउन गानहोनाय जादों। भिडियआव प्रियंका आरो बिनि बिमा मथु चपड़खौ बै साननि सोमोन्दै बाश्रा सावरायनाय नूनो मोन्दों।

प्रियंकाखौ भिडियआव गावनि बिमा मथु चपड़ानाव बै सानखौ गोसोआव दड नामा? होन्ना नै सोनायखौ नूनो मोन्दों। बेनि सायाव बिमाया बुडो गिबियाव रानार आपनि एनाउन्समेन्टआ जायो आरो बेनि उनाव मिस वर्ल्ड। गावसोर सियारआव सिरिये जिरायनानै दडमोन मानोना गासिबो भारतीयफोरा गसंनानै आखाय खबदोंमोन। भिडियआव प्रियंकानि फेबाइ सिद्धार्थखौबो नूनो मोन्दों। बियो बै सानखौ गोसो खानानै फोरमायदों आं बै समाव 11-12 बोसोरनिमोन, आंनि गोसोनि सान्नाया मिलायनायमोन। फार्सेंथिं आं गोबां गोजेन्नायखौ मोन्दोंमोनदि आंनि बिब'आ मिस वर्ल्डनि बिजाबखौ देरहादों।

गाहाम देहानि राहा

गुसु बोथोरव हादरआव बानायनाय घीआ नोंथांखौ बेरामनिफ्राय बाग'नायाव मदद होगोन



गुसु बोथोरव गगा, गुजुनाय, लोमजानायजों लोगोसे गोदोना आरो बिखायाव कग जानायजों हां लानायाव जेंना सोमजियो। बेबादि समाव गोदोना आरो बिखायाव बोखबनाय मोन्दनाय, लाश्रिये हासिउनाय, गन्थं थे-थे मोन्नाय, लोमजानाय, गारामा मान्नाय, गुजुनाय, उन्दुनायाव गोदोना सानाय मोन्नाया बे जेंनानि सरासन्ता लोखोन। बेबादि समाव जाग्रा आदारजों हादरनि घीखौ लाफानांगौ। गुसु बोथोरव सुबुंफोर हादरआव बानायनाय घीखौ जानो मोजां मोनो। बेयो स्वादखौ बरायहोनायजों लोगोसे देहाखौ बेरामनिफ्राय रैखा खालामनायबो खामानियाव होयो। जुदि आयुबेदनि बाश्रा बुडोब्ला, मोसौ गायनि गाइखेरजों थियारि खालामनाय घीआव बांसिन गुण थायो। बिबिब्ला फे बेखौ आजावनानै

लानायनि मुलाम्फानि सोमोन्दै मिबथिनानै लानि- गुसु बोथोरव बयनिबुइ बांसिनै गगा, गुजुनाय आरो कगनि जेंना जायो। बेबादियाव चामुचसे घीखौ गरम खालामनानै बेयाव आधा समुच हाइजेंनि फाउडार लगायनानै जानांगौ। बेयो बिखायाव जमा कगखौ साफा खालामनायजों लोगोसे बेखौ नैथि खेब जाबावनायखौ होबथायो। जाय सुबुंफोर माइग्रेनि जेंना जायो। बिसोर गावसोरनि जाग्रा आदारजों गायनि घी जाथारनांगौ। बेजों लोगोसे सानप्रोमबो फुं बिलासियाव घीनि 1-2 ड्रप गन्थडव लुसनायजों माइग्रेनि पेन, गोबानाय, बिखा खालौनाय आरो खर' गिदंनया बायदिनिफ्राय मोजां मोनो। गोबां सुबुंफोरनि वादिब्ला, घीआ लिरथाइ बांहोनायाव खामानिआव होयो। नाथाय बेयाव थानाय फेटी

एसिडआ देहायाव जमा जानाय उफ्रा मेजेमखौ बाडाइ खालामनायाव मदद मोनो। बेबादिआव लिरथाया बाडाइ जानायजों मोदोमआ थि बिबांनि शेफआव फैयो। सानप्रोमबो घीजों थियारि खालामनाय मुवा-बेसादफोरखौ जायोब्ला मेगनि सोराड गोखौ जायो। लोगोसे मेगनजों लोब्ला गोनां गुबुन बेरामफोरनिप्रायबो रैखा मोनो। बेरफार्सें खि गोरा खिनायनि जेंनाजों देहाया मोजाडै खामानि मावनो हाया जायो। बेबादिआव मोसौ गायनि घी जानाया मुलाम्फा गोनां जायो। सानप्रोमबो उन्दुनायनि सिगां चामुसचे घी गाइखेरजों गलायनानै जानांगौ। बेजों खि गोरा खिनायनि जेंनाया गोजान जानानै दोगोन तन्त्रआ गोर जायो। लोगोसे उदै सानाय, गेस बायदिनि जेंनानिफ्रायबो रेहाय मोनो।

मालबी मल्हत्राखौ बुथारनो नाजादों




मुम्बाइ, 27 अक्ट'बर : टि भि फावखुंनि मालबी मल्हत्राखौ बुथारनो नाजादों।

बे जाथायनि उनाव मालबी मल्हत्राखौ मुम्बाइनि गावयारि देहा। फाहामसालियाव

फाहामथाय होनाया सोलिगासिनो दड। आथिखालाव फावखुंनि जेंना गोनां थासारिखौ मोजांआव फेबाय होन्ना नै फोरमायदों। फावखुंनि मालबी मल्हत्राया माखासे हिन्दी सावथुनफोर, मलायालम सावथुनफोर आरो टिभि सिरियालफोराव फाव खालामदों। टिभि फावखुंनि सायाव गारलोबनायनि दायखौ यगेश कुमार महिपाल सिं मुनि सुबुंनाव जाबसिन्दों। दायनगिरि यगेश कुमारआ बेनि सिगां मालबी मल्हत्राजों 1-2 खेब प्रिडिउसार जानानै लोगो मोनखांबाय। उनाव बे फावखुंनिप्रो प्रपज खालामनानै जुलिनि थाखाय नारसिनदोंमोन। मालबी मल्हत्राया यगेश कुमारखौ जुलिनि थाखाय गनायाखैमोन जायनि उनाव यगेशआ मालबीखौ दाबा सुरिजों गाग्लोबदों। यगेशआ मालबीनि देहायाव दाबासुरिजों 3 खेब गाग्लोबदों।

लबीना लधनि सायाव महेश आरो मुकेश भाट्टआ 1 कौटि रांनि मानहानिनि केस थिसन्दों



मुम्बाइ, 27 अक्ट'बर : सावथुन बानायगिरि महेश भाट्ट आरो बिनि फेबाइ मुकेश भाट्टआ समबारआव बम्बे हाइकर्टआव फावखुंनि लबीना लधनि सायाव 1 कौटि रांनि मानहानिनि केस थिसन्दों। फावखुंनि 3 सान सिगां महेश भाट्टखौ इन्डास्ट्रीनि बयनिखुइबो देरसिन डन होन्ना फोरमायनानै गावखौ हुमखि होदों आरो ल'निफ्राय बायजोआव होखारनो नाजादों


होन्ना दाय जाबसिन्दोंमोन। समबारव बे केसनि इमारजेसि हेयारिनि थाखाय अजदलाइ थिसन्दों। जास्टिस एखे मेनननि एकल पीठआ बे केसआव नटिसखौ फोसावनानै फावखुंनि लधखौ फिन्नाय होनो बिथोन होदों। आथिखालाव केसनि हेयारिखौ 3 सप्ताहनि थाखाय दोन्थ'नाय जाबाय। हेयारिनि समाव लबीना लधनि उकिलआ बिजिरसालिनो खोथा होदोंदि,

फावखुंनि हेयारिनि समाव जायखि जाया रोखोमनि बिबुंथिखौ सानैबो बिदा-फेबाइनि हें थायै फोसावदिं खालामनाय नडा। नबीनानि बायदिब्ला, गाव महेश भाट्टनि बियादै सुमित सभरवालजों जुलि जादोंमोन। फावखुंनि दाय जाबसिन्नाय बायदिब्ला सुमितआ ड्रग्स आरो आइजोफोरखौ दैथाय हरोमोन, जायनि उनाव गाव बिनियाव

फाथैलाइ बिसिनो बिदों। फावखुंनि बुंदोंदि, बेनि उनिफ्राय महेश भाट्टआ गावखौ नोजोर होदों। बियो गावनि न'आव हाबनानै आरो गावखौ बेनिफ्राय एन हरोनो नाजादों। भिडियआव लबीनाया बुंदों, खुलुमबाय आंनि मुड लबीना लध। आं बे भिडियखौ आंनि आरो आंनि नख'रनि सुबुंफोरनि रैखाथिनि थाखाय बानायदों। आं महेश भाट्टनि बियादै सुमित समरवालजों जुलि जादोंमोन। आं बिनि हें थायै फाथैलाइ बिसिनायनि केस थिसन्दों। मानोना आं मोनथिदोंमोनदि, बियो ड्रग्स आरो आइजोफोरखौ दैथाय हरो। बिनि फनआव आलादा आलादा रोखोमनि आइजोफोरनि सावगारिफोरा थायो, जायखौ बियो डाइरेक्टरफोरनो दिन्थियो। फार्सेंथिं लबीनानि दाय जाबसिननायाव भाट्ट बिदा-फेबाइनि फार्सेंथिं फिन्नायाबो सोराडाव फेबाय।

रुसआव करनानि इन्फेक्सन जानाया 24 घन्टायाव 16,550 गोदान केसआ सोराडाव फेदों

मस्क', 27 अक्ट'बर: मस्क'आव थांनाय 24 घन्टायाव 16,550 गोदान करना भाइरासनि केसआ सोराडाव फेदों। लाश्रिये बेवहाय इन्फेक्सननि जेंनाया बांदों। गिबि खेब बांनाय अन्जिमाया सोराडाव फैन्यायनि उनाव इन्फेक्सन जानाय केसआ सुबुंफोरनि गेजेराव करनाखौ लानानै गिनायखौ बांहोदों। बे केसआ 85 ओन्सोलफोरनिफ्राय थिसनजादों। बेनि गेजेराव 4,372 केसआ एक्टिव दड, जायना जेबो रोखोमनि लोखोन गैया। आथिखालाव रुसआव गासै इन्फेक्सननि अन्जिमाया 1,547,774 सिम जाहैबाय। मख'नो



गोनांदि, रुसआव बेरामिफोरा मोजांबो समबारखालि 12,844 जाखांबाय।

म्यानमार सान्श्रिआ अपारेसन सानराइज-3 खौ लन्स खालामदों ब्रिटेनआ फैगौ दाननिफ्राय करना भाइरास भेक्सिननि टिका थुनायखौ जागायनो हासिगौ

गोदान दिल्ली, 27 अक्टूबर : भारत-म्यानमार सिमनायाव सांग्रां जाना नै थानाय उतखारि हान्जाखौ दबथायनो थाखाय म्यानमार सान्श्रिआ अपारेसन सानराइज-3 खौ लन्स खालामदों। युंग आंगनि सामलायनायाव नै सनेल सशलिस्ट काउन्सिल अफ नागालेन्ड खापलांग (एनएसएसिएन-के) आ म्यानमारनि सिङव गावसोरनि थासारिखौ गोखों खालामनो नाजादों। गुबुन गुबुन एनएसएसिएन हान्जाया भारतीय सान्श्रि हान्जानि सायाव गाग्लोबनो खैसार सादों। अपारेसन सानराइज-3 नि गेजेरजों बे खैसार सानायखौ फेलें खालामनाय जागोन। भारतनि गुबुनारि हादतनि सेक्रेटारि हर्ष श्रृंगला आरो भारतनि सान्श्रि गाहाय जेनेरेल मनज मुकुन्द नरवनेआ बे दानयाव म्यानमारयाव सान्ने दावबाय हैदों। बे समाव दरनै हादतफोरनि गेजेराव सा-सान्जा ओन्सोल आरो म्यानमारयाव सांग्रां जाना नै थानाय उतखारि हान्जानि हेँ थायै जुथायै बिजिरनायनि सोमोन्दै सावरायनाय जादों। भारतनि सासे रैखाथि बिबानगिरिआ



फोरमायदों म्यानमारनि सैगिंग ओन्सोलाव गुबुन गुबुन जायगायाव एनएसएसिएन-के आरो गुबुन गुबुन हान्जाखौ नागिरनायाव म्यानमारनि सान्श्रिआ जरखा अभियान सालायदों। म्यानमार सान्श्रिआ मनपुर दैमानि सान्जा बाहागोथिंजाय अभियान सालायदों। सन्देह खालामनाय जादों भारत-म्यानमार सिमानि गेजेरजों उतखारि हान्जाया मिज 'राम सिमानि गेजेरजों भारतयाव हाबफै खोमानो खैसार सादों। थानाय बोसोराव म्यानमार आरो भारतीय सान्श्रिआ 17 फेब्रुवारी आरो 2 मार्चनि गेजेराव अपारेसन सानराइज-1 नि गिबि खोलोबखौ जाफुंसार

होदोंमोन आरो 16 मेयाव अपारेसन सानराइज-2 मुजों आरोबाव मोनसे अपारेसन सालाय बावनाय जादों। बे समाव भारत-म्यानमार सिमनायाव माखासे उतखारि हान्जानि केम्पखौ सिलिंखार खालामनाय जादों। अपारेसन सानराइज-2 नि नैथि खोलोबयाव म्यानमार सान्श्रिआ सा 13 सान्श्रिफोरनि जिउया गोमादोंमोन। दरनैबो हादतफोरनि सान्श्रिफोरा जुथाय अभियान खालामबलाबो उतखारि हान्जा अराकान सान्श्रिआ मिज 'रामनि लंग्थलाइ जिल्लानि माखासे ओन्सोलाव गायसनदों, जाय कलादान बिथांखिनि थाखाय

खौफोदगोन। कलदान मालि्ट मडेल हाथ्या-मेला बिथांखिखौ भारतनि खोला-सान्जा एसियानि हाबग्रा लामायाव नुनो मोन्नाय जादों। भारतआ बे बिथांखिनि थाखाय एप्रिल 2008 याव म्यानमारजों लोगोसे मोनसे रादाय खादोंमोन। बेनि गेजेरजों मिजरायखौ म्यानमारनि राखीन सीतवे पर्टजों सरजाबनाय

जागोन। म्यानमारजों लोगोसे भारतनि सिमनायाव नोजोर लाखिग्रा बिबानगिरिनि बादिब्ला, आरकान सान्श्रिआ भारत-म्यानमार सिमनायाव माखासे गायसन्दों। भारतीय एजेन्सिफोरा भारत-म्यानमार सिमनायाव जानो गोनां जाथायखौ नोजोर होदों। 2018 सिमाव म्यानमारनि सा-सान्जा सिमायाव 50 निफ्राय बांसिन उतखारि केम्प दंमोन। म्यानमारनि सान्श्रिआ बे बोसोराव मे दानाव भारत सरकारनो आसाम आरो सा-सान्जा राइज्योआव सांग्रां जाना नै थानाय सा 22 उतखारिफोरखौ गथायदोंमोन। मनपुर आरो आसामयाव गोबाव समनिप्रयनो उतखारिफोरखौ गंसे जरखा उरां जाहाजजों लाबोबाय थानाय जादों। दासो गिबि खेब म्यानमार सरकारखा सा-सान्जा उतखारि हान्जानि लिडारखौ भारतनो गथायदों।

लन्डन, 27 अक्टूबर: करना भाइरासनि बांनाय इन्फेक्सननि गेजेराव ब्रिटेननिफ्राय मोजों रेहाय मोन्नायनि खौराडा सोराडाव फेदों। जेराव देहा फाहामसालिफोरखौ करना भाइरासनि टिका थुनायनि थाखाय थियारि खालामनो बिथोन होदों। मोनसे रिपर्टनि बादिब्ला, देहा फाहामसालिफोरनि स्ट्यफनिफ्राय बुंनय जादोंदि, थाबैनो अक्सफर्ड इडनिभासिदिनि करना भाइरास भेक्सिननि गिबि बेच सेम्पलखौ होनाय जागोन। ब्रिटिश अखबर दा सननि रिपर्टनि बादिब्ला, देहा फाहामसालिफोरनिफ्राय बुंनय जादोंदि, बिखौ 2 नभेम्बरनिफ्राय जागायनाय सप्ताहनिफ्राय भेक्सिननि थियारिखौ जागायसिगोन। मख 'नो गोनांदि,



करना भाइरासनि बांनाय इन्फेक्सननि गेजेराव एक्सफर्डनि भेक्सिनखौ फोजोबनो थाखाय गेमसेन्जार बानायनाय लानाय जादों। बे भेक्सिनखौ लानानै खालामनाय दासिमनि आन्जाद नायनायाव गोहोम गोग्लैनाया सोराडाव फेदों। गिंक्रंथाव करना भाइरासनि बेंखन्थायाव फेनायजों दासिमआव 11.5 लाख

सुबुंफोरा थैखांबाय। गुबुन फार्सिथि इन्फेक्सननि बांनाय जेनानि जाहोनआव मुलुगनाडैनि रांखाथि राहायाव गोबां दावख्खायनायखौ नुनो मोन्दों। रिपर्टआव बुंनय जादोंदि, अक्सफर्ड, फाइजर आरो बाय 'टेकनि करना भाइरास भेक्सिनखौ थाबैनो गनायथि मोनसिगोन।

फ्रान्सआव करनानि अन्जिमाया सानसेयावनो 52 रोजासिम सौहैबाय

फ्रान्स, 27 अक्टूबर : मुलुगनि माखासे हादतफोरा दासिमबो करना भाइरासनि इन्फेक्सननिफ्राय उदां जायाखै। माखासे हादतफोराव सानसेयावनो रेकर्ड सिफायनाय केस मोनगासिनो दड। फ्रान्स बायदि हादतनि मुडाबो बे फारिलाइयाव दड। मानोना थानाय माखासे साननि गेजेराव फ्रान्सआव करना भाइरासनि केसनि अन्जिमाया बांगसिनो दड। करना महामारिआ जागाय जेन्नायनिफ्राय दासिमाव फ्रान्सआव माब्लाबाबो सानसेनि गेजेराव एसेबां गोबां केस मोनफेराखैमोन। सान्ने सिगां थानाय रबिबारखालि डाटा दिन्थिनाय बायदिब्ला, टेस्ट खालामनाय गासै सुबुंफोरनि गेजेराव 17 जौखोन्दो पजिटिभ मोन्नाय जादों। बेयो दानसे सिगां 7 जौखोन्दोमोन। थानाय रबिबारखालि इन्फेक्सन जानाय सुबुंफोरनि अन्जिमाया 52,010

मोन। मख 'नो गोनांदि, ओंखारनो हागोन। मुलुग नाडैनि कभिडनि गोदान केसनि



फ्रान्सआव दासिमाव इन्फेक्सननि 11 लाख 38 रोजा 507 केस मोनखांबाय आरो सा 34,700 सुबुंफोरा बे भाइरासजों जिउ नागारखांबाय। बे बारायनाय केसखौ होबथानो थाखाय थानाय शुक्रबारनिफ्रायनो हादतनि मोनसे गिदित बाहागोयाव मोनानि कार्फुड फोसावयो। बेनि गेजेरजों सोरबाफोर माबाफोर गाहाय जाहोन थाब्लासो बाइजोयाव

गेजेराव खावसेयानो इउरपनि गुसु बोथोरा जागायनायजों लोगोसे बेयाव थासारिया गात्रिसिन जाबावनो हागौ होनानै सन्देह खालामनाय जादों। बेराफार्स स्पेइनि गाहाय मन्थि पेट्र सांचेजआ करना भाइरासनि गोसारनाय इन्फेक्सनखौ नोजोर होनानै हादतआव इमारजेन्सि फोसावनानै हरनि कार्फुड जाबसिनो।



वासिंटन 27 अक्टूबर: आमेरिकायाव हादतगिरि डनाल्ड ट्रम्पनि सामलायनाय खुंथाया ताइवाननो 2.37 आरब डलारयाव हार्पुन गुन्द्रासा नेमखान्थिखौ फान्नायजों सोमोन्दो थानाय यजनानि सोमोन्दै थानाय समबायव मोनथि होदों। बे बाश्राखौ फोसावनयनि एसे सिगां चीनआ बडंगजों लोगोसे आमेरिकानि हाथियार कम्पनीनि सायाव होबथानो बाश्रा फोसावदोंमोन। हार्पुन रादाय खानायव बडंगआ गाहाय टिकानि कम्पनी। गुबुनारि हादत मावख 'आ बुंदों ताइवानज जलडमरूमध्यआव गोजोन आरो दिदोमथिखौ लाखि लांनाया आमेरिकानि हितयाव दं आरो

आमेरिकाया ताइवाननि रैखाथिखौ भारत-प्रशान्त ओन्सोलनि रैखाथि आरो दिदोमथिनि थाखाय गोनांथि मानिना लायो। बे हाथियार फान्नायजों ओन्सोलाव सान्श्रिनि बेलेन्स लाखिलांनाया सोलायनाय नड। हार्पुन गुन्द्रासाया थांखि लानायखौ गावख्खायनो हायो। हार्पुन गुन्द्रासाया 500 पाउन्ड हाथियारखौ लानानै थानो हायो। चीननि गुबुनारि हादत मावख 'नि बुंथिगिरि झाओ लिजियानआ बुं'दोंमोनदि, आमेरिकाया ताइवाननो हाथियार फान्नाया चीननि नेमखान्थिखौ फेलें खालामनायजों लोगोसेनो सभारेन्ट आरो रैखाथिनि हितखौ

दागो फोनांनय। गाव बेबादिखौ सोंखारियो। बेनि थाखायनो गोखों थांखि लानाय जागोन। हाथियार फान्नायाव थाफादेरनाय आमेरिकानि कम्पनीनि सायाव होबथानो। जाय कम्पनीफोरनि सायाव होबथानाय जागोन, बेफोर जादों- बडंग, लाकहिड मार्टिन आरो हाथियार। चीन आरो ताइवानआ 1945 नि नख 'रिर् दावहायाव गावप्रादोंमोन आरो बिसोरनि गेजेराव जेबो सोलोयारि खांथि सोमोन्दो गैया। चीनआ दाबि देखंदोंदि, सुबुंत्तन्नि सामलायनाय द्वीपआ गावसोरनि गाहाय बाहागो। चीनआ बेनि सायाव गाग्लोबनो हुमखि होबाय थायो।

पेशावरआव जानाय बेरफुनाय जाथायाव सा 7 नि जिउ ख'हा, सा 70 जोखोम



इसलामाबाद, 27 अक्टूबर : पाकिस्तानआव पेशावरनि दिर कलनीआव थानाय मंगलबारखालि गंसे माद्रासायाव बेरफुनाय जाथाय जायो। बेयाव सा 70 सुबुंफोर मोन्नाय जायो। बिसोरनि गेजेराव माखासे जोखोम जानायफोरनि थासारिया गोब्राव। सुलुडाव फोरमायनाय बायदिब्ला, जाय समाव बेरफुनाय जाथाया जादों बे समाव कुराननि बिजाब फरायबाय थादोंमोन। पुलिसनि सिनियर अफिसार बकार अजीमआ फोरमायोदि, सासे सुबुडा मोनसे बेग लानानै माद्रासाफोरनि सिडाव थादोंमोन। आथिखालाव जोखोम जाग्राफोरखौ

पेशावरनि जेडी रीडि देहा फाहामसालियाव थिसन्नाय जायो। पेशावर एसएसपि मन्सुर अमनआ बुडोदि, जाथायनि जाहोनखौ नागिरनाय जागासिनो दड। पाकिस्ताननि मिडियानि बायदिब्ला, बे बेरफुनाय जाथाइया मोनसे रेहाय गोनां ओन्सोलाव जादों, बेबायदियाव रेस्कुआव जेना सोमजिगासिनो दड। मख 'नो गोनांदि, पाकिस्ताननि पेशावरआव थानाय 2014 नि 16 डिसेम्बराव गंसे आर्मि स्कु लाव हाथियार लाग्रा उतखारिफोरा गाग्लोबदोंमोन। बेयाव सा 132 गथ 'फोरखौ बुथारदोंमोन। बेनि उनाव रैखाथि हान्जाआ गासै सा 7 उ त ख ा र ि फो र खौ बुथारदोंमोन।

भारत-आमेरिकानि गेजेराव टु प्लास टु सावरायनाय जादों

गोदान दिल्ली, 27 अक्टूबर : भारत आरो आमेरिकाया गाव गावनि से लोयारि खांथि सोमोन्दोखौ गोदानै जौगाखां होनो थियारि खालामदों। मंगलबारव टु प्लास टु सावरायलायनायाव बाहागो लानो थाखाय थानाय समबाराव आमेरिकानि गुबुनारि हादतनि मन्थि पम्पिय आरो रैखाथि मन्थि मार्क एस्परा दिल्लीयाव सौफेदों। राजनाथ एस्परनि गेजेराव आरो जयशंकर-पम्पियनि गेजेराव दरनै हादतनि सोमोन्दै आलादा आलादा सावरायनाय जादों। राजनाथ सिंजों लोगोसे



सावरायलायनायनि सिगां आमेरिकानि रैखाथि मन्थिखौ रायसीना हिलयाव साउथ ब्लकनि बायजोयाव मोनथाम सान्श्रि हान्जानिफ्राय गार्ड अफ अनार होनाय जादों। दरनैबो हादतफोर रैखाथि आरो माहारियारि रैखाथिनि बिथियाव लोगोसेयै

हाबाफारि मावदों। थानाय 15 बोसोरनि समाव भारतआ सि-17 ग्लबमास्टर्स आरो सि-130 जे सुपार हारकिउलिस स्पेशेल अपारेसन ट्रान्सपर्ट एयारक्राफ्टजों लोगोसे 20 बिलियन डलारनि रैखाथि हाथियारखौ आमेरिकानिफ्राय बायदों।

गोदान दिल्ली, 27 अक्टूबर: करना महामारिनि हेँ थायै दावहायाव भारतनि थाखाय मोजां खौरां। अदेबानि भारतआ करना दावहानि मोनफ्रेम बिदिडाव जाफुंसारनाय मोनगासिनो दड। थानाय 8 दाननि उनाव महामारिजों थैनाया बयनिखुइ खमसिन जादों। बबेखानि 3 खावसे दाननि उनाव सानसेयाव इन्फेक्सन जानानै थैनायफोरनि अन्जिमाया 500 निखुइ गाहायसिनआव सौफेयो। महामारिजों बयनिखुइ गात्रिसिनै गोहोम गोग्लैनाय महारास्ट्रआव 5



दाननि उनाव सानसेयाव सा 100 निखुइ खम थैदों आरो गोदान के सआवबो 4 रोजानिखुइ खम मोन्दों। गासै हादरनि बाश्रा बुडोब्ला

100 साननि उनाव 24 घन्टानि समाव मोन्नाय गोदान केसनि अन्जिमाया बयनिखुइ खम जागासिनो दड। गाहाम जानाय

बेरामिफोरा लांथिथै थानाय 12 जुलाइआव सा 500 थैदोंमोन। गासै इन्फेक्सननि अन्जिमाया 79.44 लाख आरो गाहाम जानाय बेरामिफोरनि अन्जिमाया 71.94 लाख जाहैबाय। बे महामारिजों दासिमाव 1.19 लाख बेरामिफोर थैखांबाय। बेराफार्स मिरुवारि सावस्त्रि बिफाननि फार्सनिफ्राय फुंनि 8.00 रिंगायाव फोसावनाय अन्जिमानि बादिब्ला, दासिमाव 1.19 लाख सुबुंफोरा थैखांबाय, सा 79.09 लाख इन्फेक्सन जाखांबाय आरो 71.37 लाख बेरामिफोरा गाहाम जाफिनबाय।

बेरामिफोरा लांथिथै थानाय 12 जुलाइआव सा 500 थैदोंमोन। गासै इन्फेक्सननि अन्जिमाया 79.44 लाख आरो गाहाम जानाय बेरामिफोरनि अन्जिमाया 71.94 लाख जाहैबाय। बे महामारिजों दासिमाव 1.19 लाख बेरामिफोर थैखांबाय। बेराफार्स मिरुवारि सावस्त्रि बिफाननि फार्सनिफ्राय फुंनि 8.00 रिंगायाव फोसावनाय अन्जिमानि बादिब्ला, दासिमाव 1.19 लाख सुबुंफोरा थैखांबाय, सा 79.09 लाख इन्फेक्सन जाखांबाय आरो 71.37 लाख बेरामिफोरा गाहाम जाफिनबाय।

मुम्बाइ सिटी एफसिआ मनिपुरनि टनडनबा सिंजों गोरोबथा खालामबाय



इम्फल, 27 अक्ट'बर: 2020-21 सिजननि इन्डियन सुपार लीग सुंद'यै आइएसएलनि थाखाय दासान्दि गुबुन गुबुन हान्जाफोर रोंगथि

गोनां गेलेगिरिफोरजों गोरोबथा खालामबायसिनो थानायखौ नुनो मोन्दों। बेबादिनो मुम्बाइ सिटी हान्जायाबो 2 बोसोर समनि थाखाय मनिपुरनि जाखांफुनाय

लाइमोन फुटबलार डिफेन्डर टनडनबा सिंजों गोरोबथा खालामबाय। गावनि फुटबल केरियारखौ नेर'सा एफसिजों जागायनाय सिंआ दासान्दि

मनिपुरनि सेनियर फुटबल क्लाबजों गेलेगासिनो दडमोन। मख'नाय जायोदि, सिंआ थानाय 2016-17 बोसोरनि आइ लीगआव नेर'का एफसि क्लाबनि जानानै गेलेखांबाय। बेनि अनगायैबो बिथाडा आइएसएलआव चेन्नाइ एफसिनि थाखाय मोननै सिजनआव गेलेखांबाय। सिंआ चेन्नाइ एफसिनि थाखाय आइएसएलआव मोन 26 मेच गेलेखांबाय। बे खेबआवबो मुम्बाइ सिटीआ देरहानायनि मिजिंजों टनडनबा सिंजों गोरोबथा गेलेनायनि मिजिं लानानै गोरोबथा खालामनाय जादों।

लान्थ्रियै मोन 5 मेच देरहानानै किंगस इलेभेन पान्जाबआ पइन्ट टेबलनि टप-4 आव, प्लेअफनि थाखाय मिजिंथिथाव



दुबाइ, 27 अक्ट'बर: 13 थि सिजन इन्डियन प्रिमियर लीग सुंद'यै आइएसएलआ दासान्दि इउएइआव खुंजागासिनो दड। बे लीगनि 46 थि मेचखौ थानाय सानखालि किंगस इलेभेन पान्जाब आरो कलकाता नाइट राइडर्स हान्जानि गेजेराव मोगा-मोगि गेलेदों। बे मेचआव किंगस इलेभेन पान्जाबआ कलकाता नाइट राइडर्सनि हेंथायै 8 उइकेटजों देरहानो हादों। बे सिजनआव पान्जाबआ लान्थ्रियै मोन 5 मेचखौ देरहानो हादों। बेजों लोगोसेनो पान्जाबआ पइन्ट टेबलनि टप-4 सारिआव थानो हानानै प्लेअफनि थाखाय

मिजिंथिथाव जानो हादों। सारजाह स्टैडियमआव गेलेनाय बे मेचआव टस जेनानै सिंगां बेटिं खालामनाय कलकाताया

150 राननि टागैटखौ होनो हादों मोन। फिन्नायाव पान्जाबआ 18.5 अभावरआव 2 उइकेट खोमानानै 150 रान

खालामना मेचखौ गोलेँयै देरहानो हायो। मेचआव पान्जाबनि थाखाय क्रिस गेलआ 29 बलआव 51 रान खालामनानै आउट जादों। क्रिस गेलआनो मेन अफ डि मेच बान्थाखौबो मोनो हादों। एहय मनदिप सिंआ 56 बलआव 66 रान खालामनानै पान्जाबनि देरहानाय मैखोम बिहोमा होनो हादों। मख'जाथावदि, बे मेचआव पान्जाबनि थाखाय केपेन लकेश राहुलआबो गोखौं बिफाव लादों। बिथाड 25 बल खुबैनायाव 28 रानखौल' होदों।

दियाझिजिरि फुटबल टुर्नामेन्ट मन्सरगाव इयुं दैथुन क्लाबआ देरहासाद

बासुगाव, 27 अक्ट'बर: दियाझिजिरि ग्यनज्योति क्लाबनि बान्जायनायाव गामिनि गेलेग्रा फोथाराव खुंनाय 49 थि फुटबल टुर्नामेन्ट 2020 नि गेलेनाया दिनें जोबथा मेच गेलेनायजों जोबलांबाय। बे टुर्नामेन्टनि जोबथा मेच एबा फाइनाल मेचखौ मन्सरगाव इयुं दैथुन क्लाबआ 3-0 गलाव देरहासाद जानो हायो। इयुं दैथुन क्लाबआ गेलेजेनायनिफ्रायनो गोखौंसिन जानायजों सिंगां हाप टाइमआव गलसे आरो 2 थि

हाप टाइमयाव मोनै गलखौ होनो हादों मोन। कक्राझार जिल्लानि सदर सहरनि साखाथियाव थानाय दियाझिजिरि गामिनि गेलेग्रा फोथाराव खुंनाय दिनें फाइनाल मेच गेलेनाय समाव गाहाय आलासि महरै बाहागो लायो बिटिसिनि बारा' मावफुं सोद्रोमा एबा बिपिएफ दोलोनि 12 नं सालाकाटि बियाबनि बिजाथि देरहासाद बसुमतारिया। बे गेलेनायनि गेजेरजों गुबुन गुबुन हरि-हारिसानि गेजेराव गोजोन



खौसेथिया फेगोन होनानै रायखांना गेलेनायनि गेजेरजों

गावनि देहा राफोद आरो बेनि अनगायैबो साखि-बाखिनि फारसेबो मोजां खाबु दं होनानै बुडे। मख'नो गोनांदि, फेगो 2021 माइथायनि सनाथि माइथाय फोर्बोयाव फुटबल टुर्नामेन्टयाव नेपाल दैमारि, मदाराम दैमारि आरो कपाट दैमारिनि गोसोखांथियाव

अन्जलि बसुमतारि आरो सुकुराम दैमारिया 50,000 आरो 25,000 रंजों लोगोसे ट्रिफो बान्जाराम बर्मननि गोसोखांथियाव साबसिन गेलेगिरि बान्थाखौ होनाय जागोन होनानै दिनेंनि जोबथा गेलेनाय हाबाफारियाव फोसावना होयो।

प्रिमियर लीग: साउथेम्पटनआ एबार्टनखौ 2-0 गलजों फेजेन्दों



साउथेम्पटन, 27 अक्ट'बर: 2020-21 सिजननि इंसिस प्रिमियर लीगआ दासान्दि खुंजागासिनो। बे लीगनि गुबुन मोनसे गोनां मेचखौ थानाय हरआव साउथेम्पटन आरो एबार्टन क्लाबनि गेजेराव गोब्राव नाजालायनायनि गेजेरजों

गेलेदों। बे मेचआव साउथेम्पटनआ साबसिन गेलेनायनि फिथाइ महरै एबार्टनखौ 2-0 गलजों फेजेन्दो हादों। बिबिसिनि रिपर्ट बादिब्ला, थानाय हरव गेलेनाय बे मेचआव साउथेम्पटननि थाखाय जेम्स वाई प्रबसेआ 27

मिनट आरो से एडम्सआ 35 मिनटआव गल सोनानै हान्जानि जेरहानायवा गाहाय बिहोमा होनो हादों मोन। बे मेचखौ देरहानायनि उनाव साउथेम्पटनआ दासिम गावसिनि मोनब्रै मेच गेलेनायनिफ्राय 10 पइन्ट मोनो हानानै पइन्ट फारिलाइनि ब्रैथि सारिआव थानो हादों। एहय मेचखौ जेन्दोंब्लाबो एबार्टनआ गावसिनि मोन 6 मेच गेलेनायनिफ्राय 13 पइन्ट मोनानै पइन्ट टेबलनि सेथि सारिआव दड। सोलिफु प्रिमियर लीगआव साउथेम्पटनआ गावसिनि गुबुन मोनसे बाव मेचखौ फेगो रबिबारखालि एस्टनबिलानि हेंथायै गेलेगोन।

ब्राजिलनि गेदेमा फुटबलार रनाल्डिनहनि देहायाव करना पजिटिभ मोन्दों

ब्राजिल, 26 अक्ट'बर: मुलुगनि गुबुन गुबुन गेलेगिरिफोरनि देहायाव कभिड-19 नि सन्देरनाय पजिटिभ केसखौ मोनो हाबाय थानायनि गेजेरावनो ब्राजिलनि गेदेमा बारग' फुटबलार रनाल्डिनहनि देहायाव कभिड पजिटिभ केसखौ मोनो हाबावदों। रबिबारखालि रनाल्डिनहनि देहायाव सन्देरजानाय बाथ्राखौ फोरमायना लादों। नैथि खेब फिफानिफ्राय साबसिन बोसोरारि गेलेगिरि बान्थाखौ आजावनो हानाय रनाल्डिनहनि देहाया थानाय माखासे दाननिफ्रायनो मोजां नडामोन होनानै सुलुडाव



फोरमायदों। मख'नो गोनांदि, पेरागुयेआव थानाय 5 दानसिम जोबथेसालियाव थानानायनि उनाव

मोगि जानादों। मिथिनाय बादिब्ला नखाय पास पर्टनि थाखाय रनाल्डिनहनि आमजानानै आइन बादिदै जजोबथेसालियाव थानादों मोन। गासे 5 दानसिम पेरागुयेनि जोबथेसालियाव थानानाय आरो साजाखौ आबुडे फालिनायनि उनाव उदां जानाय लोगो लोगो बिनि देहायाव कभिड पजिटिभ केसखौ मोनो हायो आरो दासान्दि गावनि देहायाव कभिडनि जेबो लैखोन नुनो मोनाखै आरो दासान्दि देहा बिफाननि बिथोन बादिदै सेल्फ आइसलेट खालामनाय जादों होनानै इनस्ताग्रामआव बारग' गेलेगिरिआ

रुजुनायाव बिथानि गेलेनाया गाहायाव दड। हार्दिकआ बेटिं आरो बलिं मोननैयावबो गोखौं। जायनि थाखाय सोलिफु समाव बिथाड हार्दिकनि क्रिकेट हान्जानि सावरयजानो एबा बान्थायजानो हानाय गेलेगिरि जानो हादों।

ब्रिटिसनि ड्राइभर लुइस हेमिल्टनआ 92 थि फर्मुला-1 देरहानानै गोदान जारिमिन खालामदों

पुर्तुगाल, 26 अक्ट'बर: कभिड-19 नि गोसारनाय थासारिनि गेजेरावबो सोलिबाय थानाय पुर्तुगाल ग्रां प्रि रेसिं सेम्पियनसिपखौ देरहानो हाबाय ब्रिटिसनि ड्राइभर लुइस हेमिल्टनआ। रबिबारखालि गेलेनाय बे रेसिं फर्मुला-1 नि जोबथा राउन्डनि मेचखौ देरहानो हानानै लुइस हेमिल्टनआ गावनि बादायनाय केरियारआव मोन 92 थि ट्रिफोखौ देरहानो हानानै फर्मुला-1 नि बादायलायनाय जारिमिनाव जार्मिनि गेदेमा ड्राइभर माइकेल सुमाकारनि सिगाडव थानो हादों। पुर्तुगाल ग्रां प्रि रेसिं बादायलायनायाव हेमिल्टनआ गावनि लोगो बालटेरि बतासनि गासे 25.6 सेकेन्ड सिगाडव थानो हायो। अदेबानि बतासआ सारियाव नैथि जायगा आवथियो आरो बिनि उनाव रेडबुलनि ड्राइभर मेक्सआ थामथि सारियाव थानो हायो। हेमिल्टनआ गावनि गेलेनाय केरियारआव थानाय 2007 माइथयाव




नाजानि गेजेरजों थंखिबादिदै फर्मुला-1 रेसखौ देरहानो हानायवा ब्रिटिसनि ड्राइभर लुइस हेमिल्टनआ गोबां गोजोनाय फोरमायनायजों लोगोसे

गिबि खेब फर्मुला-1 रेसखौ देरहानो हानाय आरो बिनि उनाव फारियै 2008 माइथयावबो गोबां ट्रिफोखौ देरहानो हानायवा जाफुंसारदों। गावनि नाथाब-आगुनि गेदेमा माइकेल सुमाकारनि ट्रिफो देरहानाय रेकर्डखौ सिफयनो हानायवा गोबां गोगगनाय फोरमायदों। हेमिल्टनआ थानाय 2013 माइथयाव मासिंदिज समाव मोन 7 ट्रफो देरहानायजों आवगायनानै दडमोन। मख'नो गोनांदि, मुलुगनि गुबुन गुबुन पेरासोरफोर बाहागो लानाय पुर्तुगाल ग्रां प्रि सेम्पियनसिपखौ गावनि गुबुन मोनसे गिदिरि बादायलायनाय फोरमायनानै फेगो समाव लुइस हेमिल्टनआ आरोबाव गोखौं बादायनो नाजागोन होना फोरमायदों। गोलाव बोसोर गेलेबोनायनि गेजेराव हेमिल्टनआ 2009 माइथयाव हांगारियाव खुंनाय रेसिं बादायलायनायखौ गासे मोन 10 खेब देरहानो हादों मोन। गुबुन फारसैथि गेदेमा माइकेल सुमाकारनि बादायनायाबो मुलुगनि गेजेराव जोबेद रायखांजाथावना जानानै थादों मोन। नाथाय बेनि बादायनाय रेकर्डखौ रबिबारखालि गेलेनाय पुर्तुगाल ग्रां प्रि बादायलायनायखौ देरहानो हानायजों बरानो हायो। अदेबानि मुलुगनि गेजेराव लुइस हेमिल्टनआनो बांसिन फर्मुला-1 देरहानो हानाय बादायारि महरै मिथिजाबय।

कम्पानिजों बादायनो गोरोबथा जानाय बादिदै गेलेबोनायाव गासे मोन 5 फर्मुला-1 खौ देरहानो हादों मोन। फारसैथि माइकेल सुमाकारआबो बे

एसियान अनलाइन चैसआव भारतनि आइजो हान्जाया सनानि मेडेल आरो हौवा हान्जाया रुपानि मेडेल

चेन्नाइ, 26 अक्ट'बर: भारतनि आइजो चैस हान्जाया रबिबारखालि इन्डनेशियाखौ 6-2 राउन्डनि पइन्टयाव फेजेन्दो हानानै एसियान नेसन्स अनलाइन चैस सेम्पियनसिपआव सनानि मेडेल देरहादों। नाथाय भारतनि हौवा हान्जाया फाइनालआव अस्ट्रेलियान हान्जाजों जेन्नो गोनां जानानै रुपानि मेडेलजोंनो गोजोन्नो गोनां जायो। मख'नो गोनांदि, भारतनि चैस हान्जाया सोलिफु बोसोरनि थानाय आगस्ट दानाव जालानाय फिडे अनलाइन अलिम्पियाड चैस सेम्पियनसिपखौ देरहानो हादों मोन। जेयव भारतनि सेथि गेलेगिरि कनेरु हर्मपि आरो दि हरिका मोननि बाहागो लानायाव आइजो हान्जाया हादतनि मान सम्मानखौ गोजौयाव लांनो हानायाव जाफुंसारदों। अनलाइननि गेजेरजों खुंजायाव



एसियान नेसन्स सेम्पियनसिपनि फाइनाल राउन्डयाव भारतनि हौवा हान्जाया अस्ट्रेलियाननि हेंथायै गासे 3.5-4.5 पइन्टजों जेन्नो गोनां जादों मोन। भारतनि हान्जाया गिबि राउन्डनि मेचयाव 1.5-2.5 पइन्टजों जेन्नो गोनां जादों मोनब्लाबो नैथि राउन्डनि मेचयाव 2-2 जों समान समान जायो। गुबुन फारसैथि आइजो हान्जाया फाइनाल राउन्डयाव इन्डनेशियाखौ गोरलैयैनो फेजेन्दो हानायवा गेलेगिरि पिपि नन्दिताआ गेलेगिरि मनिका इगोनशियासखौ फेजेन्नो हानानै भारतखौ आवगायहोनो हादों मोन। बेनि उनाव पुनम राउन्डआ इन्डनेशियानि गेलेगिरिफोरनि हेंथायै जेन्नो गोनां जादों मोन। नाथाय हान्जानि गेलेगिरि बक्ति कुलकारनिआ गोखौं गेलेनाय देरहानो हायो आरो भारतनि आइजो

मिजिंथिनाय गेहोखौ लानानै गेलेनायजों बेबायदि फिथाइखौ दिन्थिनो हादों। मख'नो गोनांदि, दासान्दि सोलिबाय थानाय कभिड-19 नि जाहोनाव अनलाइननि गेजेरजों चैस गेलेमुखौ खुंनाया सोलिबाय थादों।